

皇清經解卷一千二百零一

學海堂

經義述聞

高郵王尚書

著

春秋名字解詰上



鄭游吉字子大叔襄二十八年左傳

取大吉之義也大當如字讀二十二年二十四年傳釋文竝

音泰非也大叔論語憲問篇作世叔世大聲相近大正字也

世偕字也桓九年傳正義曰諸經稱世子及衛世叔申經作

世字傳皆作大然則古者世之與大字義通也案公羊經文

十三年世室屋壞左氏穀梁竝作大室左氏經昭二十五年

樂大心公羊作樂世心曲禮不敢與世子同名鄭注曰世或

爲大則大世古通用也爾雅父之冢弟先生爲世父後生爲

皇清經解

卷三百零

王尚書經義述聞

一

叔父釋名父之兄曰世父言爲嫡統繼世也案世亦大也叔

小雙聲世大壘韻世父叔父相對成文則叔爲小世爲大也

若但以繼世爲解則何以解於父之仲兄不爲後者乎

晉梁養字餘子

閏二年左傳案餘子猶言子餘也冉求字有而哀十一年傳謂之有子有子猶言子有也晉有

梁五梁由靡梁丙梁諶耳俱以梁爲姓梁餘子亦是也文十一年左傳正義曰古人連言名字者皆先字後名案傳中有姓名

與字竝稱者若百里孟明視苑羊敬之梁餘子養之類皆先字而後名廣韻及元和姓纂以梁餘爲複姓非也

大戴禮記夏小正時有養日傳曰養長也字或作羨爾雅曰

羨長也餘亦長也廣雅餘長久也老子曰脩之於家其德乃

餘脩之於鄉其德乃長長餘皆久也養與餘皆有長久之意

故名養字餘子

吳伯詬字子餘

哀八年左傳

語之言丕也說文語大也物小則不足大則有餘故名語字
子餘或曰語與餘皆謂眾多也語亓古同聲廣雅曰亓亓眾
也高誘注呂氏春秋辯土篇曰餘猶多也孔晁注周書羅匡
篇曰餘眾也

楚秦商字子丕史記仲尼弟子傳

商與章古字通費誓我商賚女釋文曰商徐言章呂氏春秋勿射篇臣不如弦章韓子外儲說作弦商

商之言章盛也大也呂氏春秋審時篇得時之稜其氣章高誘注曰章盛也孝經內事圖帝座章而光宋均注曰章大也

孫穀古微書引商有盛大之義故字子丕爾雅曰丕大也孔子弟子

卜商字子夏漢書儒林傳許商字伯長漢繫陽令碑陰張商

字伯璋與璋同夏也長也璋也皆大也

皇清經解 卷五 夏零 王尚書經義述聞

衛卜商字子夏仲尼弟子傳

樂記曰夏大也秦商字子丕則商亦大也商章古字通見漢上

書遊俠傳萬章字子夏與此同意或曰取章夏為義也春官

鍾師九夏有章夏杜子春云臣有功奏章夏或曰商殷商也

夏夏后氏也

齊東郭賈字子方哀十四年左傳

賈夏古字通史記趙世家北登夏屋漢書地理志作賈屋夏大也韋昭晉語注曰

方大也方之言旁廣雅曰旁廣也又曰旁大也方旁古字通

堯典共工方鳩僝功史記五帝紀作旁皋陶謨方施象刑惟明新序節士篇作旁是夏與方皆大也

附 周王子虞字子方史記晉世家案虞周初人

虞吳古字通周頌絲衣篇不吳不敷稽少孫補史記孝武紀引作不虞不驚方言曰吳大也

又曰于大也。檀弓：易則易于則于，正義曰：于音近迂，是廣大之義。文王世子：況于其身以善其君乎？鄭注曰：于讀爲迂，迂猶廣也。大也。尙書大傳：義伯之樂名曰朱，于鄭注曰：于大也。見儀禮經傳通解續四事之祭。或曰：虞古娛字。眾經音義三引張揖：古今白字詁云：古文虞今作娛。白虎通云：虞者樂也。虞之言娛也。于讀爲盱，盱亦樂也。豫六三：盱豫釋文，向云：睢盱，小人喜悅之貌。鄭風溱洧篇：洵盱且樂。釋文：洵韓詩作恂，盱韓詩作盱，云：恂盱樂貌也。

蔡公孫霍字盱

哀四年左傳

霍大貌。爾雅：大山宮，小山霍。風俗通：義曰：萬物盛長，霍然而大。盱之言于也。于大也。爾雅：盱大也。方言：中齊而楚之閒曰盱，盱與盱聲義亦同。

皇清經解

卷五 皇

王尙書經義述聞

三

晉女寬字叔褒

晉語

說文：褒，衣博裾也。淮南汜論篇曰：褒衣博帶，主術篇曰：一人被之而不褒，萬人蒙之而不褊。高誘注曰：褒大也，褊小也。漢書王莽傳：後世褒主李奇注曰：褒主大主也。字通作葆，禮器不樂葆。大鄭注曰：葆之言褒也。是褒者寬大也。漢韓勅碑陰：王褒字文博，孔宙碑陰：陳褒字聖博，與此同意。

鄭渾罕字子寬

昭十八年左傳正義

罕讀爲衍

鄭公子喜字子罕，宋樂喜字子罕，皆借罕爲衍。

漸六二：飲會衍，衍馬融注。

曰：饒衍

釋文

王肅注曰：衍，衍寬饒之貌。

李善魏都賦注。

鄭公子呂字子封

隱元年左傳

呂之言甫也

周書呂刑禮記孝經並引作甫刑。

爾雅曰：甫大也。淮南天文篇。

仲呂者中充大也南呂者任包大也方言呂長也宋魯曰呂長亦大也商頌殷武篇封建厥廟毛傳曰封大也

鄭公孫僑字子產襄二十二一年左傳一字子美二十五一年傳

僑與產皆長大之意說文僑高大戴禮記衛將軍文子篇

其橋大人也盧辯注曰橋高也高大之人也爾雅喬高也又

曰大磬謂之馨大管謂之簫大箛謂之產是僑與產皆長大

也漢書馮奉世傳馮遂讀若駿爾雅駿大也字子產後漢書宦者傳鄭

眾字季產其意皆為大也一字子美者說文美從大則美亦

大也隱五年公羊傳曰登來之者何美大之之辭也

宋公孫願釋字頌父禮弓正義引世本石甫願釋文十八年左傳正義引作頌父澤

爾雅頌大也說文頌大頭也又曰頌大頭也頌之言元也小

皇清經解卷一百零王弼書經義述聞四

雅六月篇毛傳曰元大也方言釋既廣又大也釋之言奕也

爾雅奕大也

宋公子充石字皇父文十一年左傳

充石美大之意也皇亦美大之意說文充長也高也長與高

皆大也呂氏春秋必已篇禍充天地淮南說山篇近之則鐘

音充高注竝曰充大也孟子盡心篇充實之謂美充實而有

光燿之謂大是充者美也大也爾雅頌大也漢書律厯志石

大也石頌古字通世本頌父澤又作石甫願釋見上幽風狼跋篇公孫頌虜

毛傳曰頌大膚美也陳風澤陂篇有美一人頌大且卷是頌

者美也大也爾雅皇皇美也尸子廣澤篇曰皇大也爾雅釋詁疏

大雅皇矣篇皇矣上帝毛傳曰皇大也周頌執競篇上帝是

皇傳曰皇美也是皇者美也大也

宋南宮萬字長

莊十一年左傳作南宮長萬十二年經作宋萬傳亦作宋萬又作南宮萬梁氏處素曰疑長是其字案春秋時名字並稱者皆

先字而後名故曰南宮長萬

萬讀曰曼魯頌闕宮篇孔曼且頤毛傳曰曼長也曼與萬古

字通荀子正論篇曼而續揚注曰曼當為萬列萬舞而進會

是其例也

附 魯公子鞏字后

檀弓后木鄭注曰魯孝公子惠伯鞏之後正義曰世本孝公生惠伯鞏其後為厚氏世本

云革此云鞏世本云厚此云后其字異耳案革乃鞏之脫文古人以王父字為氏惠伯名鞏字厚故其後為厚氏呂氏春秋察

微篇高注曰后氏魯孝公子惠伯鞏之後也見字傳述因曰后氏是也風俗通誤謂食采於邱邱氏焉結見左傳述因

后讀為厚鞏堅厚也爾雅鞏篤擊堅固也堅與篤擊厚也鞏篤

擊同義篤擊訓為厚鞏亦得訓為厚也凡物薄則脆厚則堅

皇清經解 卷三 五

王尙書經義述聞

五

故堅固之義與厚相因也

宋公孫嘉字孔父

桓二年左傳孔父嘉先字而後名也杜注以嘉為字非 楚成嘉字子孔

文十二 鄭公子嘉字子孔

襄九年傳

說文孔通也從乙子乙請子之俟烏也乙至而得子嘉美之

也古人名嘉字子孔案孔好一聲之轉空謂之孔亦謂之好

鄭眾注考工記玉人曰好璧孔也孫炎注爾雅釋器同 嘉美者謂之好亦謂之孔義相

因也漢書禮樂志合問在舊孔容翼翼孔容嘉美之容也孔

容翼翼猶言合儀合色小心翼翼也漢劉熊碑陰屈孔字子

璋璋璋古字通爾雅璋美也則孔亦美也嘉與孔俱有美意

亦俱有大意爾雅假大也假嘉古字通大雅假樂篇假樂君

子 其義同老子道篇孔德之容惟道是從河上公注曰孔大

也大元羨次五孔道夷如范望注曰大道平易

楚公子善字子元

楚語注

乾文言曰元者善之長也堯典曰惇德允元

曹公子欣時字子臧

成十三年左傳又成十六年公羊傳作喜時漢書古今人表作制時

小雅頌弁篇爾穀既時毛傳曰時善也士冠禮嘉薦亶時言

嘉薦亶善也周書小開篇何敬非時何擇非德言何敬非善

也欣時喜善也時善聲之轉欣喜亦聲之轉故公羊傳作喜

時字子臧者爾雅臧善也

魯公藐字若

定十年左傳

爾雅藐藐美也說文類美也類與藐同若亦美也爾雅若善

也呂氏春秋古樂篇高注曰善美也

皇清經解

卷五皇

王尚書經義述聞

六

宋向宐字子祿

昭二十一年左傳注

小雅鴛鴦篇福祿宐之是其義或曰宐與儀通爾雅曰儀善

也廣雅曰祿善也

鄭公子去疾字子良

宣四年左傳

疾惡也良善也去疾故良也昭九年左傳辰在子卯謂之疾

日杜注曰疾惡也疾為惡亦為弱良為善亦為彊周語葉壯

之良而用幼弱

之猶與也謂棄壯與良也之訓為與見釋詞

良與弱相對成文則

其義為彊矣人有疾則弱故謂之不良昭七年傳孟紘之足

不良史朝曰弱足者居是也

齊高彊字子良

昭八年左傳

良亦彊也良與梁古字通墨子公孟篇身體彊良即彊梁也

吳語夫吳良國也能博取於諸侯良國疆國也韋注曰良善也失之

又為勉彊之疆楚語蔡聲子謂湫舉曰子尚良會言子尚其

疆會彊會者努力加餐之謂也韋注曰尚強也良善也失也考工記梓人

曰強飲強會是其義

魯孔紇字叔梁史記孔子世家叔梁紇襄十年左傳正義曰名紇字叔梁古人名字並言者皆先字而後名梁

元和姓纂鄒字注景德本儒行正義皆作良

紇讀為乞聲近假借也疆壯謂之乞亦謂之梁說文乞勇壯

也引秦誓曰乞乞勇夫宣六年公羊傳乞然從乎趙盾而入

何注曰乞然壯勇貌老子德篇強梁者不得其死墨子魯問

篇其子強梁不材莊子大宗師篇無莊之失其美據梁之失

其力李頤注曰據梁強梁也釋名說宮室曰梁疆梁也古人

皇清經解卷之三言蓋王尚書經義述聞七

以王父字為氏潛夫論氏姓篇鄭其叔之後為疆梁氏元和

姓纂引世本衛將軍文子生慎子會生強梁因氏焉是古人

名字多取疆梁之義也梁或作良見上良亦疆也故齊高疆字

子良

曹邴字子循仲尼弟子傳

邴讀為率古字邴與率通邴卽邴之別體多士罔不明德爾

雅率循也故名率字子循

鄭罕達字子姚哀二年左氏經傳一字賡哀九年

姚讀為佻說文達行不相遇也引詩姚兮達兮鄭風子兮詩

佻作桃毛傳曰挑達往來相見貌姚挑挑古字通達之為姚

猶健之為逃皆有所往也方言健逃也尚書大傳曰晦而月

見而方謂之眺鄭注曰眺條也條達行疾貌太平御覽天部四 聲義

竝相近達與佻一聲之轉也說文贍送也送亦往也咸象傳

滕口說也釋文曰滕達也虞作滕鄭云送也滕與贍聲近而

義同贍之言騰也廣雅曰騰奔也釋宮又曰疾也根經音義卷十八 正

與條達行疾貌之義相近贍之為騰猶滕之為騰也大射儀

鄭注曰古文滕作騰

齊闕止字子我哀十四年左傳

我讀為儀小雅角弓篇如倉空 釋文曰空本作儀韓詩

威儀也止容止也鄭風相鼠篇人而無止鄭箋曰止容止也

引孝經曰容止可觀爾雅曰其虛其徐威儀容止也是止與

儀同意故相鼠曰人而無儀又曰人而無止又曰人而無禮

皇清經解 卷三 五 零 王尚書經義述聞

八

儀也止也皆禮也小雅小閔篇箋曰止禮也是也大雅抑篇

亦曰淑慎爾止不愆于儀

齊高止字子容襄二十九年左傳

義見上

衛公子瑕字子適僖三十年左氏經傳

管子小問篇說玉曰瑕適皆見精也尹知章注曰瑕適玉病

也楊倞荀子法行篇注以適為玉之美澤調適之處非是 呂氏春秋舉難篇尺之木必

有節目寸之玉必有瑕適玉有疵謂之瑕適猶言有疵謂之

瑕適也老子道篇善言無瑕適河上公注曰無瑕疵適過於

天下也譚與適通

宋公子說字好父桓元年左傳正義引世本

方言婉好也郭注曰謂姘婉也婉說古字通好謂之說好焉亦謂之說周語厲王說榮夷公章注曰說好也小雅彤弓篇中心好之毛傳曰好說也說亦作悅廣雅曰悅喜也呂氏春秋壅塞篇高注曰好喜也

鄭公子喜字子罕成十四年左氏經傳宋樂喜字子罕檀弓下篇鄭注又正義引世本

說文曰術行喜兒術罕古字通

宋公子術字樂甫檀弓下篇鄭注及正義引世本並作樂甫術系表及通志氏族略術作術非也行與罕同子罕為樂甫五世孫不應與其祖同名

術與遂古字通文十二年左氏經秦伯使術來聘公羊術小作遂月合審端徑術鄭注曰術周禮作遂

雅雨無正篇飢成不遂毛傳曰遂安也淮南汜論篇高注曰

安樂也遂有安樂之義故名遂字樂甫

皇清經解卷一百零一王尚書經義述聞

秦孫陽字伯樂楚辭七諫注又史記司馬相如傳索隱引張揖注

王風君子陽陽篇君子陽陽君子陶陶毛傳曰陽陽無所用

心也陶陶和樂貌鄭箋曰陶陶猶陽陽也正義曰史記晏嬰傳

稱晏子御擁大蓋策四馬意氣陽陽甚自得今本史記陽作揚則陽

陽是得志之貌賢者在賤職而亦意氣陽陽是其無所用心

故不憂下傳云陶陶和樂亦是無所用心故和樂也案陽之

言暢也其心舒暢也字或作揚荀子儒效篇得委積足以揜

其口則揚揚如也楊注曰揚揚得意之貌陽為得意之貌故

字伯樂矣

晉鄆無恤字伯樂晉語又漢書古今人表一子子良京二年左傳無恤晉語無正蓋恤通作

無恤字篆文作無與正相而譌呂氏春秋似順篇注及淮南覽冥篇注又譌作無政百古今人表中有鄆心而無鄆心

正則正爲
譌字可知

爾雅恤憂也無憂則樂矣故無恤字伯樂良或作梁

孟子滕文公篇

王良卽鄧良也荀淮南要略篇康梁沈澗高注曰康梁耽樂

也

鄭國參字子思

哀五年左傳

參讀爲慘爾雅曰慘憂也憂思也又曰怒思也周南汝墳篇

怒如調飢韓詩怒作悵云憂也

見釋文

是憂亦謂之思小雅正

月篇瘼憂以瘳雨無正篇鼠思泣血鼠思卽瘼憂也樂記曰

亾國之音哀以思猶云哀以憂也又曰志微噍殺之音作而

民思憂與下文之康樂剛毅肅敬蒸雲淫亂皆二字平列思

亦憂也古人自有複語耳

皇清經解 卷五 高零 王尚書經義述聞

十

燕級字思

仲尼弟子傳單行索隱本

魯孔伋字子思

世家

級與伋皆急字之假借也

桓十六年左傳急子

急者憂恐迫

切之意莊子天地篇汲汲然惟恐其似己也汲與急通淮南

繆稱篇汲於不知己者不自知也高注曰汲急也是急爲憂

恐也思亦憂也

說見上

故名急字子思

魯原憲字子思

仲尼弟子傳

說文憲敏也僖三十三年左傳杜預注曰敏審當於事也憲

有審當於事之義故字子思或曰憲與獻通思與偲通皆謂

多才也周書諡法篇曰博聞多能曰獻史記正義獻作憲

齊風盧令篇其人美且偲毛傳曰偲才也鄭箋曰才多才也

楚卻宛字子惡

昭二十七年左傳

宛當讀爲怨宛怨古同聲故僭宛爲怨字又作惋秦策曰受
欺於張儀王必惋之史記楚世家惋作怨是也怨惡義相近
故名怨字子惡大雅假樂曰無怨無惡夏官合方氏曰除其
怨惡

顏高字子驕

仲尼弟子傳

史記孔子世家漢書古今人表皆作顏刻案高乃亭之譌

亭隸

作克亭刻同聲古字通用

說文亭象屋下刻木之形大雅雲漢箋曰克當作刻

論語憲問

篇克伐怨欲馬注曰克好勝人也意與驕相近故字子驕

魯公山不狃字子洩

定五年左傳不狃論語陽貨篇作弗擾擾假借字也古音狃與擾同

不語詞不狃狃也洩與怵通爾雅狃復也孫注曰狃怵前事

復爲也

鄭風大叔于田篇正義

說文狃犬性怵也桓十三年左傳莫敖

皇清經解

卷三

王尚書經義述聞

十一

狃于蒲騷之役杜注曰狃怵也正義曰說文云狃狎也

說文狃字

狎字下蓋有一日

怵習也

今本說文怵改作洩郭璞云貫怵也今俗

語皆然

爾雅貫習也

則狃怵皆貫習之義

以上正義

鄭風大叔于田篇

將叔無狃毛傳曰狃習也是狃與怵同訓怵張指雜字音曳

爾雅

正與洩同聲字林曰洩習也

眾經音義卷十三

洩卽怵之或體

也或謂不狃字子洩取爾雅釋獸闕洩多狃之義案郭注闕

洩多狃曰說者云脚饒指蓋讀狃爲其跡丸之丸

釋文丸字林或作狃

郭注其跡丸曰丸指頭處多一指則多一跡故以饒指釋多

狃也據此則闕洩之獸其狃多於他獸故曰闕洩多狃若果

取此義則當名闕洩字多狃其義乃明今不云多狃而但云

狃則與他獸之跡無異何以見其爲闕洩乎獸以闕洩爲名

又何得單稱洩乎或說非也

申黨字周

仲尼弟子傳單行索隱本申黨作申堂漢郎中王政碑作申棠論語公冶長篇作申棖

黨與周皆朋輩相親密之義

廣雅黨比也雜記鄭注黨猶親也文十八年左傳杜注周密也

離騷王注周合也

文十八年左傳頑闇不友是與比周比周猶比黨

也儒行曰讒諂之民有比黨而危之者是也齊策夫從人朋

黨比周莫不以從為可荀子臣道篇朋黨比周以環主圖私

為務

晉狐突字伯行

晉語注

突之言駮也說文駮馬行疾來兒大雅緜篇混夷駮矣毛傳

曰駮突也鄭箋曰驚走奔突張載注魯靈光殿賦引詩作昆

夷突矣班固西都賦曰窮虎奔突狂兕觸蹶突亦奔也突為

皇清經解

卷五

王尚書經義述聞

主

奔走故字伯行

魯左人郟字行

仲尼弟子傳

說文程徑行也又曰楚謂疾行為逞程逞郟古字通

左傳衛公子郟

漢書古今人表作公子逞

齊陳逆字子行

哀十一年左傳

行官名謂行人也管子小匡篇隰朋為行尹注曰行謂行人

也周語敵國賓至行理以節逆之賈注曰理吏也小行人也

僖三十年左傳正義

秋官小行人凡諸侯入王則逆勞于畿

楚屈到字子夕

楚語

到至也到字子夕蓋取朝發夕至之義楚辭騷朝發軔於

蒼梧兮夕余至乎縣圃

附楚莊企足字躋呂氏春秋異用篇

說文曰企舉踵也又曰躋舉足小高也今本小作行據漢書高紀晉灼注及晉書

音義改

齊慶舍字子之襄二十八年左傳

夏官司戈盾鄭注桓十六年公羊傳何注竝曰舍止也之當為止二字篆書相似而誤陳風墓門篇歌以訊之續列女傳作歌以訊止小雅車牽篇高山仰

止釋文曰本或作仰之

魯秦非字子之仲兄弟子傳

非與飛通史記秦本紀大駢生非子盧諶贈崔溫詩作飛子漢蔡湛頌孔耽牌皆以飛為非字亦作

蜚漢書宣帝紀顏注曰蜚古飛字之當為止字之誤也說見小雅四牡篇曰

翩翩者騅載飛載止

皇清經解卷一百零五王尚書經義述聞

三

公祖句茲字子之仲兄弟子傳

句與拘通說文曰拘止也茲如詩昭茲來許之茲語詞也大雅

文王有聲篇昭茲來許續漢書祭祀志劉注引謝沈書作昭哉來御是茲為語詞之亦當為止句訓

為止故字子止也

宋樂潤字子明昭九年左傳

潤當讀為焜潤與焜同聲集韻焜潤竝音戶哀切故僭潤為焜昭三年

左傳焜燿寡人之望服虔注曰焜明也見正義故名焜字明

附

韓公孫赫字顯戰國時人秦策曰秦惠王从公孫衍欲窮張儀李繡謂公孫衍曰不如召甘茂於魏召公

孫顯於韓起樗里子於國三人者皆張儀之讎也楚策曰今惠王从武王立儀走公孫郝甘茂實甘茂善魏公孫郝善韓趙策

曰甘茂為秦約魏以攻韓空陽又北之趙洽向謂強國曰不如日越拘甘茂勿出以與齊韓秦市且以置公孫赫樗里疾韓策

是曰九鼎拘甘茂也不然秦攻西周天下惡之其救韓必疾則

茂事敗矣又曰韓公仲謂向壽曰今王之變吾公也不如公孫
郝其知能公也不如甘茂今二人者皆不得親於事矣而公獨
與王主鑄於國者彼有以失之也公孫郝黨於韓而甘茂黨於
魏故王不信也案赫郝古字通公孫赫卽公孫顯也公孫顯韓
人故黨韓甘茂魏人故黨魏也公孫赫史記甘茂傳作公孫夷
說文夷燕召公名讀若郝公孫夷蓋亦以夷爲名顯其字也爾
雅赫赫躍躍迅也釋文曰赫
舍人本作夷是赫與夷通

大雅生民篇以赫厥靈毛傳曰赫顯也小雅節南山篇赫赫
師尹傳曰赫赫顯盛貌赫或作夷見說文夷盛也

附 楚莫敖章字子華 楚策

廣雅章章采也玉篇章采也引書曰五服五章哉華亦采顧
命傳曰華采色楚辭九歌華采衣兮若英

邾子顏字夷父 莊五年左傳正義引世族譜

顏高不平也夷平也顏岸古字通 史記晉世家屠岸賈漢書古今人表作屠顏賈爾

皇清經解 卷三 亭零 王尚書經義述聞

古

雅曰重厓岸又曰望厓洒而高岸高則險峻故字夷父以相
反爲義也漢書儒林傳戴崇字子平與此同意

宋樂傾字夷父 檀弓下正義引世本作夷甫傾文十八年左傳正義作夷父須頌蓋頃之誤頃與傾通

說文傾仄也從人從頃頃頭不正也廣雅傾衰也正則平衰
則不平矣繫辭傳曰危者使平易者使傾傾與平正相反也

故名傾字夷父夷平也

宋公孫周字子高 哀二十六年左傳注

周讀爲輶輶低也士喪禮記軒輶中鄭注曰輶輶也 輶俗本譌作輶

今改 考工記輶人大車之輶摯鄭注曰摯輶也 摯與輶通說文輶

抵也抵古低字 史記天官書其前抵者漢書天文志抵作低 廣雅曰輶輶低也輶

訓爲低故字子高

齊公子祈字子高

呂氏春秋慎行篇注曰齊惠公字高祈元和姓纂曰齊惠公生子高祁祁與祈通子高祁

後名也

祈讀為圻

祈之為圻猶斬之為圻也荀子儒效篇跨天下而無壩即無圻也說見荀子推志

說文曰

圻地圻單一曰岸也

廣韻圻渠希切曲岸也又魚斤切

垠或從艮

圻為重文該從眾經音義卷七所引及廣韻改正

爾雅曰望厓洒而高岸圻訓為岸

故字子高也

楚鬬勃字子上

僖二十八年左傳

勃奮起而上也勃淳古字通爾雅淳作也郭璞注曰淳然興

作兒莊十一年左傳其興也淳芎勃為興起故字子上干寶

注需象傳雲上于天曰上升也

見釋文

後漢書儒林傳張興字

君上漢繁陽合碑陰樊興字子上與此同意

皇清經解

卷子宣零

王尚書經義述聞

五

鄭駟帶字子上

襄三十一年左傳

帶讀為憇說文憇

特計切

高也

爾雅釋宮釋文曰墀高兒也帶與憇通

高亦上也

說文上高也

公西與如字子上

史記仲尼弟子傳

臧氏面成曰今本史記作與如者譌字也唐六典載孔子弟

子本之史記作與如通典

禮十

及宋本家語弟子篇亦作與

如

案唐書禮樂志亦作與如家語無如字

說文昇其舉也從臼從升與黨與也

從昇從与是與字本有舉上之義引之謂舉字古通作與地

官師氏玉舉則從鄭注曰故書舉為與禮運篇選賢與能即

大戴禮王言篇之選賢舉能也上與尚同廣雅曰尚舉也韓

子外儲說篇舉燭者尚明也是舉與尚同意故舉如字子上

漢孔宙碑陰張上字仲舉亦此意也如語詞也長狄僑如焚如榮如簡如魯季孫意如越臬如皆以如爲語詞

晉伯宗字尊成五年左傳伯宗穀梁傳作伯尊

大雅鳧鷖傳曰宗尊也大宗伯疏引古尙書說曰六宗天地

神之尊者

附 魏田無擇字子方莊子田子方篇案田子方戰國時人

擇與斨通大雅思齊篇古之人無斨鄭箋作無擇爾雅射厭也釋文射字又作

斨周南葛覃篇服之無斨毛傳曰斨厭也說文曰斨厭也一

曰終也字或作繹廣雅曰繹窮也然則無斨者無有厭棄無

有終窮也無斨則有常矣故字子方方常也檀弓左右就養

無方論語里仁篇遊必有方鄭注曰方猶常也

皇清經解 卷五 皇 王尙書經義述聞

去

施之常字子恆史記仲尼弟子傳

附 宋公孫考父字正昭七年左傳正考父先字而後名也考父佐戴武宣在春秋前

周書謚法篇曰考成也隱五年春秋考仲子之宮穀梁傳曰

考者成之也成之爲夫人也正亦成也祭法黃帝正名百物

魯語作成命百物正名卽成命也正與定通堯典以閏月定四時史記五帝

紀作正四時齊語正卒伍漢書刑法志作定卒伍繫辭傳天尊地卑乾坤定矣虞注

曰定謂成列也呂氏春秋仲冬紀以待陰陽之所定高注曰

定猶成也淮南天文篇秋分葉定高注曰定者成也

魯宓不齊字子賤史記仲尼弟子傳

不語詞不齊齊也賤與翦通爾雅曰翦齊也說文作前曰齊

斨也字亦作踐幽風伐柯篇擗豆有踐毛傳曰踐行刻兒蓋

行列整齊之見也。剪齊也。之，剪通。作賤，猶召南甘棠篇之勿剪勿伐。韓詩剪作剗。見釋文士喪禮下篇之緇剪，今文剪作淺。

玉藻篇之弗身踐也，踐當為剪矣。竝見鄭注

楚任不齊字選。仲尼弟子傳

不語詞不齊齊也。齊風倚嗟篇舞則選兮，毛傳曰：選齊也。史記平準書吏道益雜，不選謂雜出不齊也。字亦作撰。賈子等齊篇曰：撰然齊等。

魯邦異字子斂。仲尼弟子傳索隱引文翁圖那異作國選

說文曰：異，具也。又曰：饌，具也。字亦作選。齊語曰：牛馬選具是也。廣雅具備也斂，亦具也。荀子非十二子篇：斂然聖王之文章具焉。佛然，平世之法起焉。楊倞注曰：斂然，聚集之貌。佛讀為勃。

皇清經解 卷三 章泰 王尚書經義述聞

七

勃然興起，貌。案佛然為興起，則斂然為具備矣。斂之言僉也。檢也。方言曰：僉，皆也。爾雅曰：檢，同。也是具備之義也。異與斂皆有具備之義，故名異字子斂，或曰：異之言選選擇取也。斂收取也。義相因也。

楚史老字子疊。楚語

疊讀為眉。方言曰：眉，老也。東齊曰：眉，爾雅曰：老壽也。眉訓為老，老訓為壽，則眉與壽同意。故古之頌禱者皆曰：眉壽。凡經言以介眉壽。幽風七月遐不作壽。小雅南有臺綏我眉壽。周頌眉壽無

有害。眉壽保魯。魯頌閔宮眉壽萬年。土冠禮眉亦壽也。眉壽猶言耆壽。文侯之命老壽。昭二十壽考。召眉耆也。老也。耆也。眉也。皆壽也。

而詩傳與箋皆以眉壽為秀眉。方言案眉必秀而後為壽徵

若但言眉則少壯者皆有之無以見其爲壽矣爾雅曰黃髮
兒齒齡背壽也豈得徑省其文而曰髮壽齒壽背壽乎說眉
壽者當據方言爲義不得如毛鄭所云也眉字作臺者古音
微與文通臺有門音故轉爲眉其字卽矐字也矐從爨省從
酉分聲臺從爨省從酉文聲字當爲臺作臺者隸之變也臺
矐同字故亦同聲大雅鳧鷖篇鳧鷖在臺爾雅臺從矐帥
皆有門音俗以爲詘勉之勉大雅棫樸篇勉勉我王荀子富
國篇引作臺臺是也又俗以爲眉壽之眉史老字子臺是也
古鐘鼎文眉壽字亦多作矐伯碩父鼎之鬲史酉鼎之鬲雖
公絨鼎之鬲叔液鼎之鬲晉姜鼎之鬲皆俗矐字爲眉字其
莽史鼎作矐中○字乃古文文字晉姜鼎文
字亦作父蓋從爨省文聲

皇清經解

卷五百零

王尚書經義述聞

六

也其與臺字會意諸聲俱合是臺矐爲一字而與眉通用也
唐宋以來言六書者不達古音故諧聲之例不能通曉閒有
一二古字說文缺載者則茫乎不知所從但指爲俗字而已
說文偶缺臺字而張參遂謂不六合六書徐鉉又以媿字當
之拘牽無識通人所不取也

魯冉孺字子魯

仲尼弟
子傳

孺與濡通孟子公孫丑篇三宿而後出晝是何濡滯也趙岐
注曰濡滯猶稽也既去雷於晝三日怪其猶久濡之言需也
需彖傳曰需須也爾雅須待也
須與須同雜卦傳曰需不進也是濡爲
遲鈍也魯亦遲鈍也說文魯鈍詞也論語先進篇參也魯孔
注曰魯鈍也曾子性遲鈍孺又愚也方言孺輸愚也孺與孺

通魯鈍亦愚也大顏注漢書周勃傳曰俗謂愚爲鈍椎見史記周勃傳

索隱
勃世家
陳公良孺字子正子尼弟

孺讀爲需正當爲止字之誤也雜卦傳曰需不進也說文曰需頤也遇雨不進止頤也是需有止義

晉育童成十七年經字之昧晉語

童蒙疊韻其義相近童蒙之言童矇也說文矇童矇也一日不明也蒙豕辭匪我求童蒙童蒙求我釋文引廣雅曰童癡也鄭風寒裳篇狂童之狂也且毛傳曰狂行童昏所化也晉語僮昏不可使謀僮童古字通賈子道術篇反慧爲童皆昧之美也說文昧闇也

皇清經解卷三百零 王尙書經義述聞

九

晉闇沒字明晉語

沒與昧古字通史記趙世家昧夙襄二十四年左傳何沒沒也沒沒猶昧昧釋文沒如字一音妹正與昧同廣雅曰昧昧

暗也昧訓爲暗故字明取相反之義

鄭駸蔑字明昭二十八年左傳楚唐蔑荀子議兵篇作唐蔑字明趙策

說文蔑勞目無精也檀弓鄭注曰明目精也名蔑故字明也

蔑莫聲同而義近玉篇莫莫結切說文莫火不明也字通作昧說文

目不明也從目未聲玉篇音莫蓋切說文目部前有昧字目

爲聲玉篇音莫蓋切後有昧字目不正也字以本末之末爲

聲玉篇音莫達切故屬韻去聲弟十四部昧昧目不明也

莫貝切弟十八部昧目暗也莫佩切入聲弟十三部昧目不正也莫撥切正與玉篇同蓋昧之言昧也說文昧闇也玉篇昧莫潰切正與目暗之昧同音也昧之言首也說文昔目不正也玉篇昔亾達切正與目不正之昧同音也而今本目不

明之昧右畔誤寫本末之末而音莫撥切目不正之昧右畔
誤寫午末之末而音莫佩切正字又誤作明所當互易者也
玉篇曰不正之正雖與今本說文同誤作明而莫達切之音
尚不誤莫達與莫撥同可據廣韻昧目不正也莫撥切以正
之矣段氏說文注不能釐正而以
莫佩切之昧為說文所無非也

秦百里視字孟明僖三十三年左傳

洪範曰視日明

晉解揚字子虎史記鄭世家說苑奉使篇

虎讀為盱古音虎與盱同昭三十一年公羊傳人未足而盱

有餘說文引作虜有餘見繫傳案公羊釋文盱許于反又許

乎切火乎與許孤同是其例也方言盱揚雙也驢腫子今本音王篇走火

燕代朝鮮洺水之閒日盱或謂之揚郭注日盱舉也揚詩

日美目揚兮是也

皇清經解卷三頁零王尚書經義述聞

手

齊高齧字齧昭二十六年左傳之高齧即始皇本紀之王齧秦王齧字齧史記秦本紀之王齧

說文齧齧也齧魚綺切側齧也側字據眾經音義卷十三引許慎說增史記田儼

傳秦復得志於天下則齧齧用事者墳墓矣集解引如淳曰

漢書注齧齧猶齧齧索隱曰齧側齒齧也

魯顏噲字子聲仲尼弟子傳

說文噲咽也一日噲噲也噲小啞也啞小飲也則噲者飲食

下咽有聲也或曰噲當讀為翰廣韻翰鳥快切喘息聲

樂教字子聲仲尼弟子傳

氣逆之聲曰欬說文欬逆氣同逆也

晉韓不信字伯音昭三十二年左傳

氣逆之聲曰欬說文欬逆氣同逆也

音當爲言字之誤也困彖辭曰有言不信墨子經篇曰信言合於意也

魯季寤字子言

定八年左傳

釋元應眾經音義卷二引倉頡篇曰覺而有言曰寤邴風終風篇曰寤言不寐或曰寤讀爲語語亦言也

鄭公子語字子人

桓十四年左氏經傳

大雅公劉篇于時言言于時語語毛傳曰直言曰言論難曰語正義曰直言曰言謂一人自言答難曰語謂二人相對雜記言而不語對而不問鄭注曰言言已事也爲人說爲語孟子梁惠王篇曰孟子見梁襄王出語人

魯宰子字子我

皇清經解

卷五

王尚書經義述聞

五

曹叔孫申字子我

元和姓纂曹叔孫成子生申爲子我氏

申讀爲身爾雅身我也郭注曰今人亦自呼爲身

魯公子務人字爲

昭二十九年左傳

務亦爲也繫辭傳唯幾也故能成天下之務虞翻注曰務事也見李鼎祚周易集解韓子喻老篇曰事爲也務人猶言爲人春秋時宋有向爲人見成十五年左傳是也務人檀弓作禺人正義曰禺務聲相近聲轉字異也或曰說文禺母猴屬爲母猴也故禺人字爲案禺若爲母猴屬則與人字意義不倫豈有上言獸而下言人者乎或說非是文十八年左傳有公冉務人與此同

名則務字不誤

齊公子舉字季勞

管子小匡篇季勞處魯又曰公子舉游於魯舉卽季勞也

宋華家字世子成十五季左傳正義引世本世子家案世子當作子世子世字也家名也

魯頌桓篇正義曰家者承世之辭

楚仲歸字子家文五年年傳鄭公子歸生字子家宣四年經傳魯公孫歸

父字子家宣十四年傳齊析歸父字子家襄二十八年傳蔡公孫歸生字子

家昭元年經傳

魯孔求字子家史記孔子世家漢書孔光傳

玉篇束索也與求同說文素入家按也

鄭單字子家仲尼弟子傳

單讀為塵古聲單與塵相近說文塵一家之尻也

齊慶封字子家襄二十八年左傳

封讀為邦匡誥正義曰古字邦封同商頌元易篇邦畿千里李善西京賦注引作封畿千里論語季氏篇且

皇清經解卷五稟堂王尚書經義述聞垂

邦域之中矣釋文邦本作封而謀動干戈於邦內釋文邦鄭本作封邦與家相對為文

鄭國字子徒仲尼弟子傳

徒讀為都徒都古字通史記高祖功臣侯年表雷侯以韓申下韓晉夫論志氏姓篇信都者司徒也俗音不正日信都或曰司徒莊二十八年左傳凡邑有

宗廟先君之主曰都周官小司徒四縣為都司馬法曰王國

五百里為都載師鄭注

衛孫襄字伯國襄二十六年左傳

襄讀為壤聲近假借也壤從土襄聲檀弓有原壤亦以壤為名壤

土地也故字伯國昭元年左傳曰與我同壤而世為仇讎孟

子滕文公篇夫滕壤地褊小

楚公孫甯字子國哀十八年左傳

哀十六年左傳曰沈諸梁兼二事國甯

鄭公子發字子國襄九年左傳

發讀爲伐發伐聲近而通周頌噫嘻篇鄭箋曰發伐也考工

子夜音語作王子發漢書董仲舒傳桺下惠曰吾聞伐國不

問仁人

楚屈禦寇字子邊傳二十五

邊境也哀十一年左傳曰齊國夏高無丕帥師伐我冉求曰

一子守二子從公禦諸竟是其義也

秦壤駟赤字子徒仲尼弟子傳廣韻壤字注以壤駟爲複姓

徒讀爲楮說文曰楮赤土也古聲楮徒相近爾雅杜赤棠杜

與徒聲亦相近故赤謂之徒又謂之杜

皇清經解卷三百零王尙書經義述聞

晉羊舌赤字伯羣襄三年左傳魯公西赤字子羣仲尼弟子傳

玉藻雜帶君朱緣大夫元羣鄭注曰羣黃色也馬有羣驪之

名華俗作驪非穆天子傳驪爲赤色說文驪赤馬黑髻尾也則華其黃

色與羣驪蓋卽黃驪也月令曰中央土天子駕黃驪

附周白丹字圭孟子告子篇注曰丹名圭字也史記貨殖傳曰周人

圭讀爲鞋聲近假借也說文鞋胡卦戶圭二切鮮明黃色也從黃圭

聲羣黃華從艸鞋聲讀若墮壞墮同是黃謂之鞋也名丹

字鞋與名赤字華同義華亦黃也

楚公子黑肱字子皙襄二十七鄭公孫黑字子皙二十九狄黑

字皙仲尼弟子傳衛公子黑背字析昭二十年左傳杜注析朱鉏黑

析黑管其孫成子朱鉏以王父字爲氏案析與皙通

說文哲人色白也皙與黑相對爲文

曾箴字皙奚容箴字子皙

竝仲尼弟子傳曾箴今本作曾箴誤說文玉篇廣韻俱無箴字惟集韻有此字音多忝切蓋據誤本史記也案說文曰古人多黠字皙黠與箴同音則當作箴

箴讀爲黠

王篇黠之林切又音緘

說文黠雖皙而黑也古人名黠字皙

曾箴之箴論語先進篇作點說文點小黑也黠與點古同聲

而通用

伯虔字子析

仲尼弟子傳

虔當爲黔聲相似而誤也史記衛康叔世家出公季父黔索

隱曰系本名虔誤與此同析皙古字通襄二十七年左傳臯

門之皙實與我役邑中之黔實慰我心墨子貴義篇黔者黑

也或曰虔析皆敬也商頌殷武傳曰虔敬也說文慙先歷敬切

皇清經解

卷三百零

王尚書經義述聞

五

也二徐本慙誤作慙音陟列切案慙乃哲之重文已見口部而訓爲知不得又見心部而訓爲敬也段氏茂堂亦沿其誤今依玉篇

慙與析通

晉蔡黯字墨

哀二十一年左傳

墨黑也黯亦黑也黯暗也墨亦暗也史記孔子世家黯然而

黑是黯亦黑也管子四稱篇墨墨若夜是墨亦暗也

魯孔白字子上

史記孔子世家

蕭山王氏南陔曰上尙古字通禮記檀弓般人尙白引之案

孔氏般之冑也故名白字上

晉士匄字伯瑕

襄三十七年左傳楚陽匄字子瑕昭十七年傳

瑕假古字通

莊十四年左傳傳瑕單行本史記鄭世家索隱作甫假檀弓公肩假漢書古今人表假作瑕

乞人之物曰匄俗人之物曰假內則曰不通乞假是乞與假

事類相近故名乞者字假名句者亦字假襄三十一年左傳
士文伯曰寡君使句請命釋文云今傳本皆作句字或作正
字案士文伯字伯瑕春秋時人名字皆相配楚令尹陽句字
子瑕與士文伯名字正同又鄭有駟乞字子瑕句與乞義同
則作句者是

鄭駟乞字子瑕昭十九年左傳

說見上

魯冉求字子有仲尼弟子傳

邨風谷風篇何有何以甞勉求之箋曰有求多也求有

衛端木賜字子貢仲尼弟子傳

爾雅貢賜也字亦作贛說文贛賜也淮南精神篇今贛人放

皇清經解卷三頁零 王尚書經義述聞

庚

倉子人河水要略篇一朝用三千鍾贛高注竝曰贛賜也

孟舍字施孟子公孫丑篇孟施舍趙注曰孟姓舍名也施發音

也案施其字也先言施後言舍者襄十年左傳正義曰古人名字竝言者皆先字而後名故耶

舍之為言予也舍古音暑與施之為言賜也賜亦予也故名

舍字施襄九年左傳魏絳請施舍輸積聚以貸舍與施同義杜注云舍勞

役非晉語施舍分寡韋注云舍舍禁非也皆謂以德惠賜予之也說詳經義

迹聞左傳旅或曰施者弛之借字弛舍謂免征役也地官小

司徒凡征役之施舍鄭注曰施讀為弛鄉師辨其可任者與

其施舍者注曰施舍謂應復免不給繇役

齊弦施字多哀四年左傳

取厚施之義也或曰施當讀為馳說文馳重次弟物也王篇馳余

切多重也從重夕重多爲多重曰爲疊馳也多也皆重也廣雅馳益也益亦多也高誘注齊策曰益多也

楚爲賈字伯嬴宣四年左傳

嬴當讀爲嬴說文嬴賈有餘利也昭元年左傳賈而欲嬴而

惡讐乎

魯公子益師字眾父隱元年左傳

易師彖傳師眾也益之則彌眾矣桓十七年左傳楚屈瑕曰益請濟師於王鬪廉對曰師克在和不在眾杜注曰濟益也益師者欲師之眾也

鄭公子班字子如成十三年左傳

廣雅如均也孟子公孫丑篇伯夷伊尹於孔子若是班乎趙

皇清經解卷一百零一王尙書經義述聞

毛

注曰班齊等之貌是班亦均也

魯公輸般字若檀弓季康子之母外公輸若方小斂般請以機

今從劉說

公輸般卽孟子離婁篇注所謂魯班也漢書揚雄傳般倖弃

其剖劓兮顏注曰般讀與班同公輸班字若與公子班字子

如同義若猶如也

鄭公孫舍之字子展襄八年左傳

舍與舒古字通小雅何人斯五章舍車肝爲韻聘禮記發氣

律書舍者舒氣也方言舒展也

魯漆雕哆字子斂仲尼弟子傳

說文哆張口也小雅巷伯篇哆兮侈兮毛傳曰哆大兒哆之

言侈也斂之言儉也賈子道術篇廣疑當作廉較自斂謂之儉反

儉為侈

魯漆彫啓字子開漢書藝文志漆彫子十二篇孔子弟子漆彫

彫開字子開蓋名啓字子開史記避景帝諱也案古今人表正作漆彫啓家語不知漆彫開之為漆彫啓乃謬云漆彫開字子若

說文君開也從戶從口字通作啓士昏禮贊啓會既夕禮請

啓期鄭注竝云今文啓為開

宋公子肸字向父成十五年左傳正義引世本晉羊舌肸字叔向襄十一年

傳一字叔譽大子晉篇

向讀為響肸響者布寫之兒也說文肸肸響布也響知聲蟲

也蚰司馬相如響從向漢書司馬相如傳眾香發越肸響布

皇清經解卷五十五王尙書經義述聞庚

寫顏注曰肸響盛作也揚雄傳薤啖肸以捩梃兮注曰言風

之動樹聲響振起又注禮樂志揚雄傳又曰肸響豐融左思

蜀都賦景福肸響而興作則凡動而四布者皆謂之肸響矣

肸之言骨也骨也說文曰骨動作切切又曰骨詩說振也肸

從舟聲故有振起之義也羊舌肸又字叔譽者譽之言廡小

雅都人士傳曰廡揚也亦振起之義也錢氏曉徵以譽為響

之譌失之

楚鬪般字子揚宣四年左傳漢書敘傳曰班氏之先與楚同姓

之楚人謂虎班其子以為號師古曰子文之子鬪班亦為楚令

尹胡三省曰左傳莊三十年申公鬪班殺令尹子元而鬪穀於

莫為令尹恐班非子文之子案子文之子為令尹子元而鬪穀於

與班雖同音而般字子揚則非謂文也孟堅之說殆不可信

般與播古字通古音元與戈相出入故史記賈般即播之假

俗也春官大師皆播之以八音鄭注曰播猶揚也昭四年左
傳播於諸侯杜注亦曰播揚也三十年傳將焉用自播揚焉
注曰播揚猶勞動也呂氏春秋必已篇舟中之人盡揚播入
於河高注曰揚動也播散也案播亦揚也古人自有複語耳
揚謂之播因而揚米去康謂之敷說文敷揚米去康也小雅
大東篇曰維南有箕不可以簸揚

楚蘧罷字子蕩

襄二十七年
三十年左傳

罷讀爲播罷播古音相近

罷古音婆說
見唐韻正

故借罷爲播也公羊

罷作頗頗之爲播猶波之爲播也

波與播通見左
傳波及晉國下

襄二十五

年左傳成公播蕩杜注云播蕩流移失所昭二十六年傳茲

不穀震盪播越竄在荆蠻亦謂流移也盪與蕩同播或作波

皇清經解

卷三十五

王尙書經義述聞

无

莊子外物篇鮒魚對莊周曰我東海之波臣也司馬彪云謂
波蕩之臣波蕩卽播蕩也東海之播臣猶齊策云大魚蕩而
失水耳流移謂之播蕩搖動亦謂之播蕩家大人曰司馬相
如上林賦山陵爲之震動川谷爲之蕩波蕩波與震動對文
張衡西京賦河渭爲之波盪吳嶽爲之阨堵波盪與阨堵對
文蕩波卽波蕩波蕩猶播蕩耳謹案李善注西京賦曰波盪
播動也後漢書公孫述傳方今四海波蕩亦謂四海搖動也
論語微子篇孔注云播搖也僖三年左傳杜注云蕩播也

附 周呂尙字牙

周初人見史記齊
大公世家索隱

尙之言當也檜也

尙與當檜
古聲相近

牙之言梧也伍也

牙與梧伍
古聲相近

名釋邱曰當途曰梧邱梧忤也與人相當忤也釋官室曰梧

在梁上兩頭相觸也長門賦離樓梧而相撐薛瓚注漢書
項籍傳曰小柱爲枝邪柱爲梧今屋梧邪柱是也說文檜邪
柱也檜與撐同魯靈光殿賦枝掌杈枒而斜據枝掌卽屋梧
邪柱也掌亦與撐同枝掌猶言枝梧也邪柱謂之枝掌又謂
之梧義取相當忤也韋昭辯釋名曰伍當也伯道也使之導
引當道伯中以驅除也宋書百官志下伍之爲當猶牙之爲尙也或
曰尙讀爲堂牙讀爲庠通俗文曰客堂曰庠太平御覽居處部九

宋公孫督字華父恒元年左傳

督中正也華表出也爾雅督正也莊子養生主篇緣督以爲
經郭象注曰順中以爲常也考工記匠人堂涂十有二分鄭
注曰分其督旁之脩正義曰名中央爲督督者所以督率兩

皇清經解 卷五 夏堂 王尙書經義述聞 三

旁晉語衣之偏袷之衣韋注曰督在中左右異色故曰偏袷
袷與督通夏官形方氏掌制邦國之地域而正其封疆無有
華離之地鄭注曰華讀爲瓜哨之瓜正之使不瓜邪離絕

齊慶臯字繩襄二十八年左傳

臯表曲也繩直也說文臯頭衰骹臯態也又曰骹骨耑臯
也案倉頡篇曰骹曲也文選舞賦注引玉篇廣韵竝曰骹骨曲也臯
臯疊韵字皆曲貌也廣雅繩直也說卦傳曰巽爲繩直滾衣
曰負繩及踝以應直淮南天文篇子午卯酉爲二繩高注曰
繩直也說林篇出林者不得直道行險者不得履繩注曰繩
亦直也

楚公子側字子反宣十二年左傳魯孟之側字反哀十一年傳杜注論語雍也篇孔注

洪範曰無反無側

齊華還字周

襄二十三羊左傳

還與環通

土禮注古文環作還

昭十七年左傳環而塹之及泉越語

環會稽三百里者以為范蠡地杜章注竝云環周也字或作

園漢書高五王傳迺割臨菑東園悼惠王冢園邑盡以子菑

川顏注云園謂周繞之或作旋說文旋周旋旌旗之指麾也

魯公伯繚字周

單行本史記索隱仲尼弟子傳

繚曲也爾雅小枝上繚為喬郭注云翹繚上句是也周亦曲

也唐風有棘之杜篇生于道周毛傳云周曲也是也繚繞也

楚詞九歎賜紛紜呂繚轉兮王注云繚繞也是也周亦繞也

吳語周軍節墨章注云周繞也是也故周垣謂之壕壕之言

皇清經解

卷五頁零

王尚書經義述聞

三

繚繞也說文壕切周垣也班固西都賦曰繚以周牆

齊公子堅字爨

呂氏春秋慎行篇注公子爨堅先字而後名也

堅與牽通

定十四年公羊傳公會齊侯蒯侯于堅左氏堅作牽

字或作擊夬九四牽羊海公釋文曰

牽子夏或作擗

漢書揚雄傳擊象犀師古曰擗古牽字

鮑莊子名牽成十七年傳正

與此同說文曰牽引前也廣雅曰牽引也又曰牽連也爨與

變通變亦引也連也說文變係也係與繫同小畜九五有孚攣如

馬融注曰攣連也

見釋文

玉篇攣綴也引易曰有孚攣如孔氏

正義曰攣如者相牽繫不絕之名也易林震之師曰一莖九

纒更用牽攣字或作縑說文曰縑不絕也

楚公子結

定十四年春秋

字子綦

莊子讓王篇賈子淮難篇史記楚世家皆作綦本字也定四年左傳及楚

義篇注作旗俗字也

綦結雙聲其義相近夏官弁師王之皮弁會五采玉璣鄭注云鄭司農曰璣讀如綦車轂之綦元謂璣讀如薄俗綦之綦綦結也皮弁之縫中每貫結五采玉十二以爲飾謂之綦士容禮綦結于跗又組綦繫于踵鄭注云綦屨係也所以拘止屨也綦讀如馬絆綦之綦然則弁與屨之綦皆結也云綦車轂者方言車下鉄大者謂之綦郭璞音忌疏證云此言繼車之索玉篇鉄持栗切索也古作鉄案今江淮之間以帶束腰而作結以固之謂之綦以繩束物亦然其音正與忌同繼車之索必約束而作結以固之故謂之綦綦車轂之綦亦此義也云薄俗屨者薄俗屨名急就章所謂不俗釋名所謂搏腊也薄俗屨有係以結于跗故謂之薄俗綦也說文作不俗絆同

皇清經解

卷三頁五

王尙書經義述聞

三

云馬絆綦者昭二十年穀梁傳云兩足不能相過齊謂之綦楚謂之跗衛謂之輒釋云劉兆云綦連併也跗聚合不解也輒本亦作繫劉兆云如見繫絆也連併繫絆同爲聚合不解皆固結之意也

魯公子疆字子臧

隱五年左傳正義引世本

臧古藏字疆讀曰區說文區踦區藏匿也昭七年左傳吾先君文王作僕區之法服虔注云僕隱也區區也

見釋荀子大文

略篇言之信者在乎區蓋之閒楊倞注云區藏物處蓋所以覆物者是區爲藏也哀十三年公羊春秋盜殺陳夏疆夫左氏穀梁竝作夏區夫則二字古通用

越八蒙字子臧

史記鄒陽傳索隱

臧亦藏字蒙包藏也鄆風君子偕老毛傳云蒙覆也昭十三
年左傳杜注云蒙裹也皆包藏之義也

魯南宮括字子容

仲尼弟一

論語公冶長篇王注釋文作韜云本又作緇

括者包容之稱也史記秦始皇本紀贊秦孝公有囊括四海
之意張晏云括括囊也言其能包含天下

傳包括無外皆容受之義也韜亦容受之稱廣雅韜容寬也

玉篇韜藏也寬也劔衣謂之韜

之義 說文弓藏謂之韜廣雅皆取包容

晉郤芮字子公

周語

芮讀為納公讀為容取容納之義也芮納皆從內聲故納通
作內

皇清經解

卷五 韜壹

王尚書經義述聞

壹

本作頌從頁公聲容受之容古作空從宀公聲家大人曰楚

詞七諫正法弧而不公謂方正不容也

南齊俗篇望君而笑是公也亦以公為容

邾公子菑字捷

元和姓纂有捷姓引風俗通曰邾公子捷菑之後以王父字為氏

捷讀為插 上冠禮鄭注建柶柶於醴中釋文撮作捷云初

插初洽反是捷即插也釋名捷插也捷也說文插刺內也

與插於睫而相接也亦與捷之為插同

同字或作接漢書蔽通傳將爭接刃於公之腹謂插刃於其

腹中也菑之言傳也插也李奇注蔽通傳曰東方人以物插

地中為傳顏師古曰傳音側吏反周官考工記又作菑音皆

同耳 考工記輪人察其菑蚤不蠲注曰菑謂輻入轂中者也鄭司農云菑讀如雜廁之廁謂建輻也釋文菑側吏反
溝洫志隕林竹分捷后菑顏注曰后菑者謂插后立之菑亦

插耳音側吏反

俗本吏誤作其義與傳同又注張安世傳引續漢書

輕車茵矛鞞幢麾而釋之曰茵插也

郝子克字儀父

隱元年左傳

周王子克字子儀

桓十八年傳

楚鬬克字子

儀

傳二十五年傳

宋桓司馬之臣克字子儀

哀十七年傳子儀克先字而後名也

克與刻通說文克象屋下刻木之形故以克爲刻也儀讀如

娑儀之言疏刻也字或作犧或作獻魯頌閟宮篇犧尊將

釋文犧素河反淮南俶真篇百圍之木斬而爲犧尊鑊之以

剖剗雜之以青黃高誘注曰犧尊疏鑊之尊明堂位周獻豆

鄭注曰獻疏刻之正義曰獻音娑娑是希疏之義故爲疏刻

之犧獻皆爲疏刻而與儀通此猶周語犧人薦醴賈逵本作

儀人

見北堂書鈔禮儀部十二

大語民獻有十夫尙書大傳作民儀也

皇清經解卷五皇宗

王尙書經義述聞

壽

學紀聞儀爲疏刻故名刻字子儀

楚薳呂臣字叔伯

傳二十三

呂與旅伯與百古字竝通

宣十八年左氏經楚子旅卒穀梁旅作呂傳三十三年穀梁傳百里

子釋文百或作伯孟子百里奚韓子難言篇作伯里子

莊二十二年左傳庭實旅百奉

之以玉帛天地之美具焉故曰利用賓于王杜注曰諸侯朝

王陳贄幣之象旅陳也百言物備傳二十二年傳楚子入響

于鄭九獻庭實旅百注曰庭中所陳品數百也是其義

罕父黑字子索

仲尼弟子傳

黑讀爲纒說文纒索也從糸黑聲字或作纒坎上六係用徽

纒劉表注曰三股曰徽兩股曰纒皆索名

釋文

附齊王驪字子敖

孟子離婁篇秦驪戰國時人

驩讀爲謹教讀爲蹻說文謹誨也荀子彊國篇百姓謹教楊

注曰謹喧誨也教喧噪也地官司賦掌憲市之禁令禁其鬪

蹻者釋文蹻五羔反鄭注曰蹻謹也說文蹻聲也從叩墨子號令

篇謹蹻蹻眾其罪殺傳注晉語注

晉狐偃字子犯信二十三年左

偃當讀爲隱古字偃與隱通齊語隱五刃管子小匡篇作偃

注曰即偃王也檀弓事親有隱而無犯事君有犯而無隱事師無犯

無隱鄭注曰隱無不稱揚其過失也犯犯顏而諫名隱字犯

以相反爲義也

陳顛孫師字子張仲尼弟子傳

張讀爲長知丈切皋陶謨州十有二師鄭注曰師長也見釋文

皇清經解卷五頁零王尚書經義述聞

名師字長作張者假借字耳墨子所染篇長柳朔呂氏春秋

當染篇作張柳朔莊子山木篇攬其蔓枝而王長其閒釋文

長本又作張是長與張通

公皙哀字季次仲尼弟子傳

王氏南陔曰哀當爲衰左氏桓二年傳皆有等衰杜預注衰

殺也襄二十五年傳自是以衰注衰差降昭三十二年傳遲

速衰序注衰差也序次也管子地員篇凡彼草物有十二衰

淮南子說山篇上有三衰下有九殺皆謂等差也有等差即

有次第故古人名衰字季次矣淮南汜論篇季襄陳仲子立

節抗行高注季襄魯人孔子弟子季襄即季次襄與次名字

不相應襄亦衰之譌家語作公皙克克亦衰之譌襄誤爲哀哀又誤爲克

晉趙衰字子餘僖二十四年左傳

說文瘵滅也瘵與衰通物減少則但存其餘矣玉篇廣韻竝

云餘殘也是減少之義也或曰餘者饒也秦策及淮南精神篇高注多也

呂氏春秋辯士篇注名衰字餘以多少相反為義

魯閔損字子騫仲尼弟子傳

小雅天保篇不騫不朶毛傳云騫虧也虧亦損也高注淮南精神篇云

廟損漢書鼂鎔傳內無邪辟之行外無騫汚之名顏師古注

云騫損也

晉叔仲會字子期仲尼弟子傳

說文期會也桓十年公羊傳曰會者何期辭也成十六年傳

曰會不當期魏策曰吾與虞人期獵雖樂豈可不一會期哉

皇清經解卷三頁壹王尚書經義述聞

美

魯顏何字毋仲尼弟子傳

古毋字或省作毋秦毋字開是也說見下卷毋與僖通史記老聃

傳或曰僖即老子是也說文何僖也僖何也故名何字僖

鄭公子魚臣字僕叔宣十二年左傳

魚讀為御古聲魚與御通天官序官釋文獻音魚本又作魚又音御史記宋世家此言乃公子

子魚教居公謂說文御使馬也小雅出車傳曰僕夫御夫也

魯武公子有伯御周語魯大夫有御孫莊二十四年左傳皆以御為名

燕周豎字子家仲尼弟子傳

豎內豎也內豎給事於內故字子家家猶內也爾雅牖戶之

閒謂之扆其內謂之家文王世子問內豎之御者鄭注云內

豎小臣之屬僖二十八年左傳注豎掌通內外者

楚屈巫字子靈

襄二十六年左傳

楚語云古者民神不雜民之精爽不攜貳者而又能齊肅衷正其知能上下比義其聖能光遠宣朗其明能光照之其聰能聽徹之如是則明神降之在男曰覲在女曰巫故巫字子靈也說文靈或從巫楚辭九歌靈連蜷兮既雷王注云靈巫也楚人名巫為靈子易林小畜之漸學靈三年仁聖且神明見善祥吉喜福慶亦謂學巫也

齊公子鑄字子工

昭八年左傳注十年傳子工作子公

說文鑄銷金也字子工者謂攻金之工也或曰鑄當讀為祝古字祝與鑄通

樂記封帝堯之後於祝鄭注曰祝或為鑄淮南傲真篇高注曰鑄讀如啞祝之祝

雅楚茨篇工祝致告毛傳曰善其事曰工少牢饋食禮曰皇

皇清經解

卷子靈

王尚書經義述聞

毛

尸命工祝鄭注曰工官也

鄭駟歆字子然

定九年左傳

歆視專視讀為熾他九切方言熾赫也郭注曰火熾盛之貌說

文然燒也或曰歆讀為頤莊十一年左傳歆孫然讀為儼善

如善二切皆敬慎之義也說文頤頭頤頤謹兒頤頤之言惴惴也

小雅小宛篇惴惴小心與溫溫戰戰為頤莊子齊物論篇小

恐惴惴與緜緜為韻則惴字古讀為頤故其義同也玉篇引

說文曰儼意臚也一曰意急而懼也一曰難也今本說文脫下二句案

一曰意急而懼者訓儼為不難不竦之難也爾雅難女板切

相懼也是也一曰難者訓儼為敬也說文難敬也此云儼難

也其義一也爾雅燠敬也燠與難同燠而善切小雅楚茨曰我孔

燠矣是也然之言難也

楚王子鉤字發

成十六年左傳四楚公子莼正義曰晉語謂之王子發鉤蓋一名一字也案莼發古同聲莼即

發之假借發字也鉤名也古人名字並稱者皆先字而後名故謂之王子發鉤

鉤讀為鼓

爾雅釋詁釋文鼓古豆反一音古侯反古侯反則音鉤矣顏師古注漢書馮唐傳曰鼓音溝溝與鉤

同說文鼓張弩也發馱發也如淳注漢書馮唐傳曰鼓騎張弓之騎也見史記馮唐傳索隱小雅吉日曰既張我弓既挾我矢發彼

小豨殪此大兕

附趙公孫龍字子秉列子仲尼篇釋文

龍讀為穰

力公廣雅龍穰也說文穰穫刈也秉禾束也小雅

大田篇彼有不穫穉此有不斂穧彼有遺秉此有滯穗毛傳

曰秉把也

皇清經解卷三皇奎王尚書經義述聞

秉

楚薦艾獵字叔敖

宣十一年左傳

艾讀為弋艾獵即弋獵也古聲艾與弋通爾雅大歲在壬曰

元默音弋史記麻書作橫艾是其例也弋獵者游田之事故字

曰敖說文曰敖出游也

魯公子尾字施父

宋鄧名世古今姓氏書辯證鄭樵氏族略

施讀為柁

呂氏春秋悔過篇鄭賈人奚施淮南人開說文柁篇作窳他是施字古讀如他正與柁同音

俗作柁

曳也莊子秋水篇此龜者甯其舛為雷骨而貴乎甯其生而曳尾於塗中乎取曳尾之義故名尾字柁

秦西術字乞僖三十三年左傳

術讀為遂文十二年公羊經正作遂乞讀為訖遂終也竟也

逸周書大子晉篇孔注云遂終也廣雅云遂竟也訖亦終也

竟也爾雅云訖止也止亦終也漢書西域傳顏注也訖竟也

杭州姚禮對字

皇清經解一千二百零一終

皇清經解

卷三百零一

王尚書經義述聞

美

皇清經解卷一千二百零二

學海堂

經義述聞

高郵王尚書引之著

春秋名字解詁下

鄭游販字子明襄二十二年左傳

說文販多白睚也春秋傳曰鄭游販字子明檀弓鄭注曰明目精也

鄭公孫輒字子耳襄九年十一年左傳

輒耳古字通說文耳耳巫也從耳下巫象形春秋傳曰秦公子耳耳者其耳巫也故以為名案春秋傳無秦公子耳蓋鄭公孫輒之誤也耳巫謂之耳故車耳亦謂之輒說文輒車兩轡也輒車旁也較車轡上曲鉤也輿乘輿金為耳也宋本為誤作馬

皇清經解卷五十一 王尚書經義述聞

一

毛本又於金下增飾字案史記禮書彌龍徐廣曰乘輿較車金薄螳龍為輿倚較即所謂乘輿金為耳也彌與磨通耳反出也大元積次四君子積善至于車耳測曰君子積善至于蕃也范望注云蕃車耳也蕃與輻通漢書景帝紀長吏二千

石車朱兩輻千石至六百石朱左輻應劭注云車耳反出所以為之藩屏翳塵泥也案朱輻即古今注所謂文官赤耳也今本古今注云文官青耳武官赤耳也崔豹古今注重耳古重較也較與輻同文官赤耳武官青耳然

則輒輻較輻磨皆車耳也鄭大夫有姚句耳鉤句同此輻上曲鉤之義也晉文公名重耳晉大夫有梁益耳此重較為重耳之義也

魯子叔輒字伯張

昭二十一年左氏經注

叔孫輒字子張

哀八年左傳

耳垂左

石皆外向其象侈張輒之反出以向外亦如之說文購張耳

有所聞也大荒東經曰有一大人張其兩耳

秦母字開仲尼弟子傳

拜讀為聃聃古字通定四年左傳聃季史記管蔡世家衛康叔世家竝作母季說文明耳曼也名聃字開與名輒字張同義

李耳字聃

史記老子傳姓李氏名耳字伯陽謚曰聃索隱云許慎云聃耳漫也故名耳字聃今作字伯陽非正也

鄭公孫黑肱字子張襄十八年左傳注

大戴禮王言篇布指知寸布手知尺舒肘知尋舒肘謂張兩肱也八尺曰尋鄭注考工記梓人云張臂八尺

皇清經解 卷五 墨 王尚書經義述聞

楚馭臂字子弓仲尼弟子傳

弓讀為肱古字弓與肱通鄉射禮侯道五十弓鄭注云今文弓為肱昭三十一年春秋邾黑肱以濫來奔公羊作黑弓

齊后處字子里仲尼弟子傳

鄭風將仲子篇無踰我里毛傳云里居也論語里仁篇里仁為美擇不處仁焉得知鄭注云里者民之所居也

齊陳盈字子芷元和姓纂有子芷云陳信子生子芷盈因氏焉

盈讀為楹芷讀為采楹柱也采棟也說文采棟也從木叀聲引爾雅曰采楹謂之梁蓋采者棟之一名采楹者梁之一名謂之采楹者言梁上承棟棟之所畱止也釋名楹或謂之望言高可望也或謂之棟棟中也居屋之中也蓋望與采古同

聲采卽望也然則棟謂之采梁謂之采廡故說文曰采棟也
又曰采廡謂之梁辨其名物之不同也或欲刪說文棟也二
字非是

齊杞植字梁

襄二十三
年左傳

植謂爲植立者謂之植橫者謂之梁爾雅植謂之傳傳謂之
突郭注曰戶持鎖植也眾經音義卷七引三倉云戶旁柱曰植
墨子非儒篇季孫與邑人爭門闕決植淮南本經篇縣聯房
植高注曰植戶植也夏官大司馬大役與慮事屬其植鄭注
曰植築城植也是立者謂之植也爾雅檜謂之梁采廡謂之
梁是橫者謂之梁也爾雅又曰檜謂之
梁亦取橫立之義

楚公子啟字子閭

哀六年
左傳

皇清經解

卷五百六

王尙書經義述聞

三

說文閭里門也名啟字閭取啓門之義王氏南陔曰啓與閭
皆行陳之名左氏襄二十三年傳言齊侯伐衛其軍有啓有
眡孔疏以左翼曰啓爲賈逵說逸周書武順篇一卒居前曰
開一卒居後曰敦左有一卒曰閭孔晁注開猶啓皆陳名
卞仲由字子路魯顏無繇字路竝仲尼
弟子傳

楚屈建字子木

襄二十五
年左傳 大子建字子木

哀十六
年傳

建讀爲捷說文捷距門也南都賦注所引如是
今本作隄門也誤從木建聲蓋
捷者關牡所以距門使不可開也顏氏家訓曰古樂府歌百
里奚詞曰百里奚五羊皮烹伏雌吹屨屨廣韻云屨
屨戶局今日富
貴忘我爲吹當爲炊案蔡邕月令章句曰鍵關牡也所以止

扉或謂之刻移然則當時貧困并以門牡木作薪炊目家訓

門牡以木爲之故字子木老子曰善閉無闕楗而不可開淮

南繆稱篇曰匠人斲戶無一尺之楗不可以閉藏

陳諸字伯爰唐書宰相世系表

諸讀爲堵爰讀爲垣小雅鴻雁篇之子于垣百堵皆作傳云

一丈爲板五板爲堵箋云徵民起屋舍牆壁百堵同時而起

射義蓋觀者如堵牆牆亦垣也

齊公孫竈字子雅昭三年左傳子雅韓子外儲說篇作子夏

雅讀爲寤寤雅古同聲雅古音伍說見唐韻正故寤通作雅玉篇引倉

頡篇曰楚人呼竈曰寤

齊公子固字子城昭八年左傳注八年傳作子成假借字也十年傳正作子城

皇清經解卷五頁壹王尙書經義述聞

夏官掌固掌脩城郭溝池樹渠之固襄十年左傳城小而固

是其義也或曰固城楚邑名昭十三年傳圍固城克息舟城

而居之是也固城息舟城皆楚邑也杜注謂息舟楚邑城之堅固者非是

魯公孫宿字成哀十五年左傳注

成與城通隱元年春秋及宋人盟于宿杜注曰宿小國東平

無鹽縣也僖二十一年左傳所謂任宿須句顓臾風姓也國

必有城故字城

宋大宰盈字蕩莊子天運篇商大宰蕩曰蕩聞之云云釋文蕩字自稱盈則盈其名也蕩字也

盈讀爲程戶經他切

方言榻前几江沔之間曰程郭注曰今江

東呼爲承程說文程牀前几也廣韻程牀前長几程也東方

謂之蕩段注曰謂之程者言其平也

程之言呈說文呈平也

案蕩亦平

也齊風南山傳云蕩平易也凡平則謂之程又謂之蕩矣古

音盈與呈通昭二十三年穀梁春秋胡子髡沈子盈滅釋文

盈本亦作逞襄二十二年左傳樂盈自楚適齊史記晉世家

作樂逞說文繼從系盈聲讀若聽或從呈作逞是其例也

宋公子何字弗父

昭七年左傳

何讀爲枷加音弗讀爲拂拂音說文拂擊禾連枷也枷拂也釋名

枷加也加杖於柄頭以搥穗而出其穀也方言僉自關而西

謂之柶齊楚江淮之間謂之棹音勃案拂之言拂也擊物之名

也說文拂過擊也擊謂之拂故擊禾者謂之拂拂棹聲相近

故又謂之棹耳古音何與枷通故枷通作何陳風澤陂篇有

皇清經解 卷三 頁三十一 王尚書經義述聞

五

蒲與荷樊光爾雅注引作有蒲與茄兒釋陝正是其例也

爲何猶加之爲柯也爾雅陵莫大於加陵卽春秋成十七年之柯陵齊語耒耜枷芟漢書王莽

傳子之北巡必躬載柶章顏注與說文同

晉瑕呂飴甥字子金

僖十五年左傳

飴讀爲枳說文枳與耜耒耜也從木台聲鉛或從金徐鍇曰

卽耜刃也音弋之反弋之反正與飴同音故借飴爲枳鄭注

考工記匠人曰古者耜一金兩人併發之今之耜歧頭兩金

象古之耦也又注月令曰耜耒之金也三倉曰耜耒頭鐵

也見莊子天下篇釋文枳爲耒頭金故其字或從金作鉛故瑕呂枳甥

字子金

魯季公彌字鉅

襄二十三年左傳

齊犁彌字且

單行本史記齊世家索隱

且卽鉏之假借也。彌讀爲鑿。玉篇鑿心支切。青州人呼鎌也。說文鉏立蔣所也。鑿鉏皆所以芟夷者。故名鑿字鉏。

魯商瞿字子木。仲尼弟。子傳。

瞿讀爲權。釋名云齊魯謂四齒杷爲權。具俱切。說文云杷收麥

器也。蓋以木爲之。故字從木。權之言俱也。齒兩兩俱列也。說

文朋左右視也。讀若拘。又讀若良士。瞿瞿秉舉朱切。茱舌也。茱

五瓜。兩刃舌也。目兩視謂之朋。兩刃舌謂之秉。四齒杷謂之

權。聲義皆相近也。淮南說林篇木大者杷。權山高者基。扶言

其杷基之四布也。爾雅四達謂之衢。義亦相近。

陳金父字仲爾。唐書宰相。世系表。

爾讀爲櫛。遘初六繫于金柅。釋文柅說文作櫛。云絡絲跌也。

皇清經解卷五王尙書經義述聞

六

讀若昵。子夏作鑷。蓋絡絲之櫛。古或以金爲之。故易曰繫于

金櫛。而其字或從金作鑷。玉篇銚古文櫛。金部字亦從金。

附 號公鼓字石父。呂氏春秋當染篇注案鼓。周幽王時人在春秋前。

鼓量名也。所容重一石。周語關石。蘇鈞章注曰石。今之斛也。

史記滑稽傳臣飲一斗亦醉。一石亦醉。一石一廣雅曰斛謂斛也。續漢書百官志中二千石奉月百八十斛。廣雅曰斛謂

之鼓是鼓與石同也。或以十二斛爲鼓所容。重十二石。曲禮

獻米者操量鼓。正義引何氏隱義曰東海樂浪人呼容十二

斛者爲鼓。釋文引作十二石。案容十二石則其器甚大。獻米

者執之不便。當以廣雅斛謂之鼓爲是其器。但容一石故小

而易操也。家大人曰管子樞言篇云釜鼓滿則人概之。荀子

富國篇云瓜桃棗李一本數以益。鼓據左傳考工記釜受六

斗四升盆受一斛二斗八升皆與一斛之鼓不甚相遠故或
竝言金鼓或竝言盆鼓也

晉楊會我字伯石

昭二十八
年左傳

王氏南陔曰廣雅石柘也說文柘百二十斤也稻一柘為粟
二十斗禾黍一柘為粟十六斗大半斗漢書會貨志云今一
夫挾五口治田百畝歲收畝一石半為粟百五十石除十一
之稅十五石餘百三十五石會人月一石半引之案管子國
蓄篇中歲之穀糶石十錢大男會四石月有四十之籍大女
會三石月有三十之籍吾子會二石月有二十之籍

楚囊瓦字子常

昭二十三
年左傳

常讀為賞

丁浪切

常賞皆以尙為聲故俗常為賞說文賞大盆

皇清經解

卷三十五

王尙書經義述聞

七

也從瓦尙聲廣雅賞贗也
贗朗監切說文作鑑云大盆也
急就篇曰甌窳甌甌瓊器虛或曰以甌甃井也漢書游俠傳觀瓶之居居井之
甌一旦甌礙為甌所輻顏注曰甌井以甌為甃者也大盆謂
之甌井甃亦謂之甌皆瓦質也

齊步叔乘字子車

仲尼弟
子傳

齊公孫捷字子車

昭八年
左傳注

子淵捷字子車

二十六
年傳

取疾驅之義說文走疾也走與捷同

齊北郭佐字子車

襄二十
八年左傳

少儀乘貳車則式佐車則否鄭注曰戎獵之副曰佐案檀弓
魯莊公及宋人戰于乘邱縣黃父御卜國為右馬驚敗積公
隊佐車授綏此戎車之副也夏官田僕掌馭田路以田以鄙

掌佐車之政此獵車之副也

附齊田廣字駢莊子天下篇釋文引
慎子曰田駢名廣

駢讀為莘春官車僕掌廣車之莘莘車之莘釋文莘薄經反又薄田反鄭

注云皆兵車也廣車橫陳之車也莘猶屏也所用對敵自蔽

隱之車也春秋傳曰其君之戎分為二廣則諸侯戎路廣車

也孫子八陳有莘車之陳故書莘作平杜子春云平車當為

駢車釋文駢薄經反案廣與莘皆兵車之名故名廣字莘

齊梁邱據字子猶昭二十
年左傳

據讀為遠猶讀為輪遠也輪也皆車之輕且速者也爾雅遠

傳也僖三十三年左傳且使遠告於鄭吳語徒遠來告孤日

夜相繼杜韋注竝云遠傳車也昭二年左傳子產懼弗及乘

皇清經解卷三皇壘王尚書經義述聞

八

遠而至則遠為車之最速者遠者疾也車輕行疾故謂之遠

也爾雅輪輕也說文輪輕車也秦風駟鐵篇輪車轡纜毛傳

與爾雅同

魯曾參字子與仲尼弟
子傳

參讀為駢秦風小戎篇箋云駢兩駢也桓三年左傳正義云

初駕馬者以二馬夾轅而已又駕一馬與兩服為參故謂之

駢又駕一馬乃謂之駟故說文云駢駕三馬也駟一乘也總

舉一乘則謂之駟指其駢馬則謂之駢詩稱兩駢如舞二馬

皆稱駢禮記稱說駢而駢之一馬亦稱駢是本其初參遂以

為名也名駢字子與者駕馬所以引車也

秦公子鍼字伯車晉語

鍼讀爲鈗

玉篇其沾切
又敕淹切

鍼鈗古字通夏官射鳥氏注并夾鍼

箭具釋文鍼其炎反李其嚴反沈云或作鈗是也說文鈗膏

車鐵鈗

魯孔穿字子高

史記孔世家

穿車轂口金也高讀爲膏車行則膏轂之穿以利轉故穿字

子膏也先鄭考工記注云賢大穿也軹小穿也後鄭云大小

穿皆謂金也說文鈗車轂口鐵也史記田敬仲世家稀膏棘

軸所以爲滑也然而不能運方穿言必以膏之滑運穿之圓

也孟軻荀卿傳炙轂過髻集解云劉向別錄過字作輶輶者

車之盛膏器也索隱云過爲潤轂之物今人車旁懸小油瓶

而置毛帚於其中時出其油以潤轂口大穿小穿皆潤之謂

皇清經解

卷三十五

王尚書經義述聞

九

之膏車是矣

秦公子繫字子顯

說文繫或馬字云絆馬也檀弓子顯以政命於穆公鄭注云

使者公子繫也引盧植注云古者名字相配顯當作鞮呼見切

案鞮說文作鞮云著腋鞮也

左傳釋文正義並引作著掖皮也

釋名鞮經也

橫經其腹下也義與說文相近惟僖二十八年左傳鞮鞻鞻

鞻杜預注云在背曰鞻與說文釋名異義史記禮書鮫鞻徐

廣用說文小司馬用釋名而玉篇廣韻則皆用杜注不復存

古義矣

齊宗樓字子陽

哀十一年左傳

樓讀爲鏐陽讀爲錫大雅韓奕篇鈎膺鏐錫傳曰鏐錫有金

鏤其錫也箋曰眉上曰錫刻金飾之今當盧也春官巾車五路錫鄭注曰錫馬面當盧刻金爲之所謂鏤錫也

宋樂轡字子蕩襄六年左傳

蕩讀爲鞵廣韻鞵與鞵同馬額上鞵鞵則古鞵名說文勒馬案

鞵勒之杜額上者也疑卽詩鉤膺鏤錫之錫字或從革耳廣韻錫與鞵同馬額飾聲義正同轡與勒相近故名轡字鞵鞵與

蕩管相近故通作蕩鞵之爲蕩猶陽谷之爲湯谷也史記五帝紀索隱

鄭然丹字子革昭十二年左傳

古者用革多以丹染之若齊風載驅之朱鞞毛傳云諸侯之路車有朱革之質而羽飾小雅瞻彼洛矣之鞞鞞土冠禮注云鞞鞞鞞也合

皇清經解卷五十五王尙書經義述聞十

十六年左傳之鞞鞞杜注云鞞赤色春官司服凡兵事鞞弁服鄭注云以鞞鞞爲弁又以爲衣裳引春秋傳晉郤至衣鞞鞞之跗注鄉射禮記之鞞當日當以丹鞞爲之

儀之朱極注云以朱鞞爲之明堂位之朱干注云朱干赤大眉也齊語定三革鞞注云三革

甲也吳語之丹甲宜三年左傳從其有皮丹漆若何譏棄甲也皆是也其他不可

枚舉

宋孔金父字子木桓元年左傳正義引世木作木金父潛夫論志氏姓篇作子木金父子木蓋其字也

晉解侯字張成二年左傳案傳稱張侯者文十一年傳正義曰古人連言名字者皆先字後名

說文侯從人從厂象張布夏官射人王大射則以狸步張三

侯

朱張字子弓論語微子篇釋文引王弼注

說文張施弓弦也

鄭豐卷字子張

襄三十
年左傳

卷讀為卷漢書司馬遷傳張空卷

音邱權切
又音眷

冒白刃李奇注

曰眷弩弓也字或作秦文選閒居賦注引張晏曰連弩二十

秦共一臂

秦音

或曰卷讀為彊

巨員切

說文彊弓曲也

楚令尹舍字子發

荀子彊
國篇

發讀為拔古字發與拔通

鄭注檀弓曰公叔
文子各拔或作發

秦風駟鐵篇舍

拔則獲傳云拔矢末也箋云拔括也緇衣引大甲曰若虞機

張往省括于度則釋釋亦舍也或曰發發矢也與舍同義

楚公子比字子干

昭十三
年左傳

牧誓比爾干傳云干楯也正義曰竝以扞敵故言比

齊弦章字子旗

呂氏春秋勿躬篇作弦章韓非子外儲說篇作
弦商商章古字通新序雜事篇作弦甯章字之

皇清經解

卷三三章

王尚書經義述聞

十二

誤也管子小匡篇作
子旗蓋弦章之字

謂旌旗之采章也月令曰命婦官染采以為旗章小雅六月

篇曰織文鳥章大雅韓奕篇曰淑旂綏章郊特牲曰旂十有

二旒龍章而設日月爾雅曰因章曰旃皆謂旌旗旗章所以

立表以示眾人因而凡物之表皆謂之章亦謂之旗閱二年

左傳衣身之章也佩衷之旗也杜注云旗表也所以表明其

中心昭元年傳舉之表旗而著之制令

鄭公子偃字子游

成六年
左傳注

駟偃字子游

昭十六
年傳注

晉荀偃字伯游

襄十三
年傳

籍偃字子游

晉語

吳言偃字子游

仲尼弟

顏成偃字子游

莊子齊
物論篇

偃讀為舂說文舂旌旂之游舂蹇之兒讀若偃古人名偃字

子游案从本字也偃俗字也古人名字多假借必讀本字而其義始明

齊樂施字子旗

昭十年左傳

鄭豐施字子旗

昭十六年左傳

魯巫馬施字子

旗

仲尼弟子傳旗論語述而篇通作期

說文施旗兒齊樂施字子旗知施者旗也旉旗旉施也

楚鬪成然字子旗

昭十三年左傳

成然旃也疾言之為旃徐言之為成然成然之合為旃猶終葵之合為椎也

說文椎齊謂之終葵

成與旃終與椎今韵俱不同位而

呼旃為成然呼椎為終葵者古音寬緩依類相從非若後世

之拘牽破碎也左傳宋元公大子樂史記宋世家作頭曼董

廋廣川書跋云

孫炎以絲為頭曼合聲史記貨殖傳范子計

皇清經解卷五頁壹

王尚書經義述聞

士

然徐廣注云計然者范蠡之師也名研研亦計然之合聲計

與研頭與樂俱不同位也春官司常掌九旗之物名通帛為

旛旛與旃同爾雅曰因章曰旃說文旃旗曲柄也所以旃表

士眾

榮旂字子祺

仲尼弟子傳

禮讀為旗唐書禮樂志正作榮子旗春官司常掌九旗之物

名交龍為旂爾雅曰有鈴曰旂

楚文之無畏字子舟

文十年左傳

無語詞畏讀曰根舟上柱也釋名曰舩又曰舟言周流也其

前立柱曰根

俗作桅說文無桅字

根魏也魏魏高貌也

周王札子字捷

宣十五年左氏經傳杜注曰王札子王子札也蓋經文倒札字

捷讀曰楫船櫂也釋名曰船杜旁撥水曰櫂又謂之札形似札也又謂之楫楫捷也撥水使舟捷疾也是楫與捷聲相近

玉篇稱才立子葉 二切捷疾葉切 故楫通作捷

楚成得臣字子玉 僖二十三年二十七年左傳

春秋定九年夏得寶王大弓左傳曰陽虎歸寶王大弓書曰得器用也凡獲器用曰得案器用之美者莫如玉故名得字

玉或曰得讀為德古字德與得通 易升象傳君子以順德釋文姚本德作得論語微子

篇何德之衰漢 后經德作得 玉藻曰君子無故玉不去身君子於玉比德焉聘義曰君子貴玉而賤珉者何也夫管者君子比德於玉

焉管子水地篇夫玉之所貴者九德出焉

齊陳瓘字子玉 哀十五年左傳

皇清經解 卷一百零五 王尙書經義述聞 七

昭十七年左傳瓘 工玩切 瓘玉瓚杜注云瓘珪也瓘玉爵也案

珪乃玉瓚之柄 見考工記 王人注 既言玉瓚則柄杜其中不得更言

作柄之珪矣且珪與瓚一物也瓘又一物也瓘玉瓚之間何

得雜之以瓘乎遍考書傳亦無謂珪為瓘者杜說非也今案

瓘聲與玉瓚對文則瓘乃玉石之名說文瓘玉也引春秋傳

曰瓘聲然則瓘學者以瓘為瓘猶玉瓚以玉為瓚也竊疑瓘

為珉之或體說文珉石之美者從玉昆聲或從貫作瓚禹貢

瑤琨馬融本 見釋文 及漢書地理志皆作瑤瓚禹貢釋文引韋

昭音貫 蓋漢書音義 正與瓘同音瓘卽瓚也瓘聲猶言瑤爵耳玉

肅注禹貢曰瑤琨美石次玉者也故陳瓘字子玉矣說文誤

分瓘瓚為二字耳

衛蘧瑗字伯玉

襄二十六年左傳

爾雅好倍肉謂之瑗說文瑗大孔璧人君上除陞以相引

楚觀從字子玉

昭十二年左傳

從讀為琮才宗切聲相近而假借也說文琮瑞玉大八寸似車

釭

附 魏崔觸字璜

說苑臣術篇

大戴禮記保傅篇下車以佩玉為度上有蔥衡下有雙璜衛牙珌珠以納其閒玉藻佩玉有衝牙鄭注云居中央以前後觸也正義曰凡佩玉必上繫於衡下垂二道穿以璜珠下端前後以懸於璜中央下端懸以衝牙動則衝牙前後觸璜而為聲

皇清經解 卷三十五 王尚書經義述聞

齒

石作蜀字子明

仲尼弟子傳案廣韻以石作為複姓

蜀讀為燭韓子外儲說篇曰舉燭者尚明也

齊陳書字子占

昭十九年左傳

說文占視兆問也金滕乃卜三龜一習吉啓籥見書乃并是吉鄭注云三龜占書亦合於吉

正義云周禮大小其經引

兆之體皆百有二十其頌皆千有二百占兆之書則彼頌是也呂刑明啓刑書胥占亦謂明開刑書相與視之也

鄭石制字子服

宣十二年左傳

制讀為製說文製裁衣也定九年左傳皆憤而衣狸製服虔

注云狸製狸裘也

見國風七月正義

哀二十七年傳陳成子衣製杖

戈杜預注云製雨衣也說苑復恩篇吳赤市使於智氏假道

於衛甯文子具紵絺三百製將以送之史記叔孫通傳通儒
服漢王憎之迺變其服服短衣楚製則製乃衣服之通稱也

魯仲孫它字子服

魯語

它讀爲衲說文衲裾也裾衣衷也

紀裂繻字子帛

隱二年左氏經傳

內則男鞶革女鞶絲鄭注云鞶小囊盛帨巾者有飾緣之則

是鞶裂與

此讀桓二年左傳詩云墜帶如厲小雅鄙人士箋云厲當作裂

紀子帛名裂繻字雖今異意實同也案鞶囊有飾謂之裂書

傳無文詩毛傳及左傳服注並云厲帶之墜者無煩讀厲爲

裂而以爲鞶囊之飾也裂繻蓋謂裂帛邊以爲符信漢書終

軍傳關吏子軍繻張晏注云繻符也書帛裂而分之若券裂

皇清經解

卷三百零

王尙書經義述聞

五

矣蘇林注云繻帛邊也舊闕出入皆以傳傳煩因裂繻頭合

以爲符信也紀子帛名裂繻則裂繻爲符春秋時已有之不

始於漢世矣

陳公子佗字五父

莊二十二
年左傳

佗讀爲純召南羔羊篇素絲五純素絲五緘素絲五總毛傳

曰純數也緘縫也

案訓緘爲縫本於爾雅尋釋三章文義實不當如爾雅所訓

總數也案

純緘總皆數也五絲爲純四純爲緘四緘爲總五純二十五

絲五緘一百絲五總四百絲故詩先言五純次言五緘次言

五總也西京雜記載鄒長倩遺公孫宏書曰五絲爲緝倍緝

爲升倍升爲緘

緘今本譌作緘準雅引此正作緘

倍緘爲紀倍紀爲緞倍緞

爲緞緞與總通

幽風九罭釋文曰緞字又作總然則緘者二十絲總者八十

絲也

孟康注漢書王莽傳曰纁八十縷也說文作纁云布之八十縷為纁正與倍紀為纁之數相合

今失其傳案釋文曰紕本又作佗春秋時陳公子佗字五父則知五絲為紕卽而京雜記之繻矣

附 周王子叔繡字鎔 漢書地理志注引世本云鎔叔繡文王子

字後名故稱鎔叔繡名與伯仲叔季並稱者猶夏后禹之爲伯禹周公旦之爲叔也

王氏南陔曰說文繡五采備也 考工記五采備謂之繡 鎔金涂也詩大

雅韓奕篇簞篚鎔衡毛傳云鎔衡文衡也孟子云所以不願

人之文繡也是鎔與繡有文章交鎔之義左思蜀都賦云疆

理綺鎔引之案秦策云秦韓之地形相鎔如繡是繡固文章

相錯也故地形之相鎔者取喻於繡焉

鄭公子論字子印 春秋世族譜

皇清經解 卷五 王尙書經義述聞

去

論讀爲綸 漢書古今人表鄭成公綸顏注曰綸印綬也說文

綸糾青絲綬也印執政所持信也法言孝至篇五兩之綸半

通之銅李軌注云綸如青絲繩也五兩之綸半通之銅皆有

秩嗇夫之印綬後漢書仲長統傳無半通青綸之命李賢注

引十三州志曰有秩嗇夫得假半章印綬案墨子號令篇有

有能得若捕告者以其所守邑大小封之守還授其印又云

侯三發三信許之二百石之吏守珮授之印史記蔡澤使懷

黃金之印結紫綬於要蓋官吏之有印綬由來已久鄭公子

綸字子印則春秋時已有佩印綬者不始於漢矣

齊公子于字且 哀六年左傳南郭且于杜注且于齊公子鉏也

正義曰古人連言名字者皆先字後名故稱且于

子讀爲芋且讀爲菹釋文且子餘反說文菹酢菜也土甍禮
甍豆兩其實葵菹芋羸醢鄭注云齊人或名全菹爲芋公子
齊人故取以爲名字與

顏祖字襄仲尼弟子傳

祖讀爲菹祖菹皆從且得聲襄讀爲醢醢從襄聲聲近假借也廣雅

醢曹憲音攘菹也菹與菹同說文醢菜也廣韵云醢菜爲菹菹亦

與菹同醢之言醢也鄭注內則說菹云醢菜而柔之以醢殺

腥肉及其氣釋名云菹阻也生釀之遂使阻於寒温之間不

得爛也或曰祖讀爲垣襄讀爲壞方言坻垣郭音場場也場郭音傷

梁宋之間蚍蜉蝥鼠之場謂之坻螻場謂之垣郭注云齊魯

蟪也其糞名垣隱二年穀梁傳疏壤徐邈音傷麋信云齊魯

皇清經解卷三頁五十一王尙書經義述聞

七

之閒謂鑿地出土鼠作穴出土皆曰壤壤卽場也

鄭公子平字子豐春秋世族譜

平疑當作年隸書年字或作丰見北海相景君銘孔觶碑與平相似而誤

名年字豐取豐年之義也齊僖公之母弟夷仲年亦以年爲

名

秦白丙字乙僖三十二年左傳作白乙三十三年傳作白乙丙傳正義曰古人連言

傳正義曰古人連言名字者皆先字後名

丙火也剛日也乙木也柔日也名丙字乙者取火生於木又

剛柔相濟也

鄭石癸字甲父春秋世族譜以石甲父石癸爲一人元和姓纂曰鄭石癸字甲父

癸水也柔日也甲木也剛日也名癸字甲者取木生於水又

剛柔相濟也

楚公子壬夫字子辛襄五年左傳

壬水也剛日也辛金也柔日也名壬字辛者取水生於金又剛柔相濟也匡謬正俗曰襄五年楚公子壬夫字子辛今之學者以其字子辛遂改壬夫為壬夫同是日辰名字相配也按楚有公子午字子庚庚是十榦午是十二支法有相配或者此人以庚午歲若庚午日生故名庚字子午百辛壬同是十榦若以辛生則不得名壬若以壬生則不得字辛此與庚午不相類固當依本字讀為王夫不空穿鑿改易為壬也匡謬正俗案顏說非也公子午字子庚自以榦支相配公子壬夫字子辛自以十榦相配二者意義各殊不得以彼例此也若

皇清經解 卷五十五 王尚書經義述聞

六

衛夏戊字丁哀十一年十五年左傳

戊土也剛日也丁火也柔日也名戊字丁者取土生於火又

剛柔相濟也

楚公子午字子庚襄十八年左傳

小雅吉日篇吉日庚午既差我馬傳云外事以剛日

鄭印癸字子柳昭十六年左傳注

柳讀為西說文柳從木卯聲卯古文西是西柳聲相近故俗

柳爲酉也酉之爲柳猶酉之爲雷也漢書律厯志曰雷孰於酉訓酉爲雷也雷亦以𠂔爲聲海甯錢氏廣伯曰吳志虞翻傳注翻說堯典柳谷曰古大篆𠂔字讀當爲柳古柳𠂔同字案堯典以𠂔爲柳此以柳爲𠂔

魯顏幸字子柳仲尼弟子傳

錢氏廣伯曰幸乃辛之譌柳亦當讀爲𠂔引之案明金蟠本家語正作顏幸洪邁隸續釋魯峻石壁殘畫象顏子柳云考孔子家語史記七十子傳顏子柳名辛則所見弟子傳辛字尙不誤

附 魯泄柳字子庚孟子告子篇子柳子思爲臣趙注曰子柳泄柳也說苑雜言篇子柳作子庚

錢氏廣伯曰柳亦當讀爲𠂔引之案𠂔古文酉淮南時則篇

皇清經解 卷三十五 王尙書經義述聞 九

云仲秋之月招搖指酉其日庚辛故名酉字庚

楚鬪宜申字子西僖二十六年左傳 公子申字子西哀六年魯會申字子西
經典釋文敘錄

淮南時則篇孟秋之月招搖指申其位西方文十八年左傳齊懿公游于申池杜注云齊南城西門名申門水經淄水注云系水出齊城而南東北流直申門西京相璠杜預並言申門卽齊城南疑當作南面西第一門矣爲申池然則西謂之申

古之恆言也名宜申者謂宜直申方也宜申猶言利西南

楚公子辰字子商成十年左傳

昭元年左傳管高辛氏有二子伯曰闕伯季曰實沈居于曠

林不相能也日尋干戈以相征討后帝不滅遷闕伯子商邱
主辰商人是因故辰爲南星杜注曰商邱宋地主辰主祀辰
星辰大火也商人湯先相土封商邱因闕伯故國祀辰星

鄭公子宋字子公宣四年左傳

宋國公爵

晉女齊字叔侯襄二十九年左傳

齊國侯爵

陳公子楚字子宋

元和姓纂
蓋出世本

鄭游楚字子南

昭元年左傳

魯林楚字南

定八年左傳林楚公羊作
臨南臨與林通南其字也

子叔文楚字仲南

元和姓纂引世本案文疑之字之誤春秋時
燭之武佚之狐文之無畏取之不比皆以之

爲語
詞

皇清經解

卷五真靈

王尚書經義述聞

辛

商頌殷武篇維女荆楚居國南鄉

衛公子楚字南一名荆

春秋世族譜以公子荆南楚爲一人案
南楚見昭二十年左傳楚名也南字也

古人連言名字者皆先字後名故稱南楚楚又名荆耳襄二十
九年傳吳公子札適衛說遷瑗史狗史鯨公子荆公孫發公子

朝皆
人名

秦秦祖字子南

仲尼弟
子傳

祖讀爲楚聲近假借也荆楚之楚通作祖猶詩衣裳楚楚之

楚說文引作黼也

祖黼皆以
且爲聲

秦祖字子南猶游楚字子南也

或曰祖讀爲沮漢書地理志漢中郡房陵縣東山沮水所出

東至郢入江字或作睢定四年左傳楚子涉睢濟江入于雲

中哀六年傳江漢睢漳楚之望也杜注云四水杜楚界故字

子南

衛公子郢字子南

哀二年左傳

說文郢故楚都在南郡江陵北十里

陳夏徵舒字子南

成二年左傳又元和姓纂

楚公子追舒字子南

襄二十二年左氏經

徵古徵字魯頌闕宮篇荆舒是徵史記建元以來侯者年表

作荆舒是徵懲舒追舒蓋以時事名之也

定八年左傳苦越生子將待事而名

之陽州之役獲

焉名之曰陽州文十二年左傳羣舒叛楚楚杜注云羣舒舒庸

舒鳩之屬今廬江南有舒城舒城西南有龍舒

陳公子少西字子夏

宣十一年左傳即楚諸公子夏也

鄭公孫夏字子西

襄十一年傳

注

西夏國名也逸周書史記篇管者西夏性仁非兵城郭不脩

皇清經解

卷三百零

王尚書經義述聞

三

武士無位惠而好賞屈而無以賞唐氏伐之城郭不守武士

不用西夏以亾或曰大夏山名也呂氏春秋古樂篇管者伶

倫自大夏之西乃之阮險之陰取竹於嶰谿之谷高注云大

夏西方之山本味篇和之美者大夏之鹽注云大夏澤名或

曰山名在西北

魯古越字夷

定七年八年左傳

鄭靈公夷字子蠻

成二年左傳

一字子絡

昭二十八年傳

齊東郭牙呂氏春秋

重言篇

字垂

說苑權謀篇

牙讀爲囿

牙古讀如吾與囿聲近而通

爾雅圍垂也孫炎云囿國之四垂

也

大雅柔正義

晉師曠字子野

昭八年左傳

小雅何草不黃篇匪兕匪虎率彼曠野毛傳云曠空也曠或作曠子孟子離婁篇民之歸仁也猶水之就下獸之走曠也趙注云獸樂曠野

附 楚屈平字原 史記屈原傳 楚辭離騷注

爾雅廣平曰原昭元年公羊傳上平曰原

附 趙李緞字牧 秦策

緞當爲楸楸古藪字禮運鳳皇麒麟皆在郊楸鄭注云楸聚草也釋文楸素口反徐摠會反澤也本或作藪案徐音摠會反則所見本楸誤作楸可知然則秦策亦是楸譌爲藪傳寫者又譌爲緞耳名藪字牧者天官大宰九職四曰藪牧養蕃鳥獸鄭注云澤無水曰藪牧牧田在遠郊皆畜牧之地

皇清經解 卷五 頁三十一 王尙書經義述聞

三

楚沈諸梁字子高 哀十六年左傳

廣韵楚文王庶子有食邑諸梁者諸都古字通 禹貢孟豬夏官職方氏作

望諸史記夏本紀作明都 諸梁蓋卽都梁也史記建元以來王子侯者年

表都梁侯長沙定王子漢書地理志零陵郡都梁侯國水經

資水出零陵都梁縣路山酈道元注云都梁縣漢武帝元朔

五年以封長沙定王子敬侯遂之邑也縣西有小山山上有

渟水其中悉生蘭草俗謂蘭爲都梁山因以號縣受名焉案

梁者橫互之稱故山多以梁爲名 若書治梁及岐詩奕奕梁山爾雅梁山晉望梁山之

犀象孟子去郿踰梁山齊策單季梁父山海經 梁山亦是

也蘭草本因所生之山而得名非山因所生之草而得名也

其名都梁者或取水渟山上之義說文豬水所停也檀弓鄭

注云南方謂都爲豬都梁者豬梁也都梁山名故字子高

魯公孫有陘字山

爾雅山絕陘郭注云連山中斷絕說文陘山絕坎也陘之言陘也廣雅陘古定切隔也隔絕不相連之稱也凡兩山中斷以

成隘道者皆謂之陘故述征記云太行山自河內北至幽州凡有八陘見元和郡縣志或曰山阪謂之陘廣雅陘阪也孟子盡心

篇山徑之蹊間介然趙注云山徑山之領徑與陘通領亦阪也廣雅嶺阪也法言吾子篇作山陘之蹊

宋公子段字子石襄二十七年左傳鄭公孫段字子石印段字子石並襄二十七年

皇清經解 卷三十一 王尚書經義述聞

三

段讀爲礮字或作鍛大雅公劉篇取厲取鍛傳云鍛石也箋

云鍛石所以爲鍛質也取鍛厲斧斤之石可以利器用說文

礮厲石也引春秋傳曰鄭公孫礮字子石唐元度九經字樣

礮音霞見春秋案陸德明毛詩音義鍛本又作礮丁亂反引

說文云礮厲石又引字林大喚反廣雅礮礮也曹憲音都玩

反則礮之音段相承自古唐以前未聞有作礮而音霞者也

礮從石段聲故鄭公孫礮左傳但作段則所謂見春秋者亦

必作礮而不作礮音段而不音霞矣玉篇礮都亂切礮石也

礮下加切礮礮高下也礮礮字體各異音義俱別又安可讀

礮厲之礮爲礮礮之礮乎徐鍇徐鉉音說文礮字爲乎加切

益浴唐元度之誤而不知耳廣韻下平聲九麻礮胡加切礮石也引春秋傳曰鄭公孫礮字

子石亦俗

楚公孫龍字子石

仲尼弟
子傳

龍讀爲萆萆亦厲石也說文萆礪也從石龍聲晉語趙文子
爲室斲其椽而萆之賈逵注云萆磨也

見枚乘諫
吳王書注

荀子性惡

篇鈍金必待萆厲然後利楊注云萆厲皆磨也

魯公子堅字石

元和姓纂魯僖公生共叔堅堅生惠叔子叔爲
公石氏案石蓋堅之字公石者公子石也猶公

子衍公子爲之
稱公衍公爲

呂氏春秋誠廉篇石可破也而不可奪堅

齊公孫青字子石

昭二十
年左傳

齊風著篇充耳以青乎而毛傳云青青玉也正義云考工記

玉人云天子用全則公侯以下皆玉石雜言青玉亦謂玉石

皇清經解

卷三零

王倚書經義述聞

音

雜也青爲玉石雜故字子石或曰青空青也石之類也秋官

職金掌凡金玉錫石丹青之戒令鄭注云青空青也管子小

稱篇丹青在山民知而取之揆度篇秦明山之曾青神農本

草玉石部有空青曾青白青扁青膚青

魯公斂陽字處父

定八年
左傳

僖二十八年穀梁傳山南爲陽大雅皇矣篇居岐之陽是其

義也或曰陽溫也

幽風七
月箋

管子宙合篇夏處陰冬處陽謂夏

就寒冬就溫也

宋蕩澤字子山

成十五
年左傳

齊公子湫字子淵

廣韻下平聲一先及古
今姓氏書辨證引世本

說文湫

子了切又
即由切

安定朝那有湫淵漢書郊祀志湫淵祠朝

那蘇林曰湫淵在安定朝那縣方四十里停水不流冬夏不增不減不生草木顏師古曰此水今在涇州界清徹可夢不容穢濁或諠汚輒鮑雲雨案湫者水清之貌淮南原道篇湫澇寂寞高注云湫澇清靜也淵水清徹故謂之湫矣

魯顏回字子淵

仲尼弟子傳

說文淵回水也回淵水也

又部叟字注

列子黃帝篇鮓桓之潘為

淵止水之潘為淵流水之潘為淵濫水之潘為淵沃水之潘為淵汎水之潘為淵離水之潘為淵汧水之潘為淵肥水之潘為淵殷敬順釋文云潘本作蟠蟠河流也

洞與

荀子致土

篇水涿則回釋名說弓云蕭射之閒曰淵淵宛也言宛曲也回水為淵亦水之宛曲盤回也

皇清經解卷三真靈 王尙書經義述聞

三

鄭公孫闕字子都

隱十一年左傳

攤水謂之闕聚水謂之都說文闕遮攤也闕與遏通廣雅都

聚也水經文水注曰水澤所聚謂之都亦曰滸漢書召信臣

傳開通溝瀆起水門提闕顏師古注云闕所以壅水提闕即

隄堰也

爾雅隄謂之梁鄭仲師注天官

又謂之塢

文選沈休文三月三日率爾成篇詩注云堰築土以壅水也一作塢音竭魏塢之

志劉勰傳興治芍陂及茹陂七門吳塘諸塢以溉稻田塢之言遏也遏之則聚而成都矣禹貢滎播既豬

豬與

傳云滎澤

播水已成遏豬正義云言壅遏而為豬史記夏本紀作滎播

既都

檀弓洿其宮而豬焉鄭注云豬都也南方謂都為豬

地官稻人以豬畜水鄭注引

春秋傳規偃豬

襄二十五

云偃豬者畜流水之陂也案偃豬

即遏豬偃遏一聲之轉耳

滅字子蒲檀弓

王氏南陔曰滅卽莫之僭字說文莫字說引周書曰布重莫

席織弱席也讀與蔑同弱蒲子可以爲平席今周書作敷重

蔑席馬融云蔑織弱釋文王肅云織弱萃席孔疏蔑字是漢時通

用古文益作莫莫是織弱弱爲蒲子故名莫字蒲

秦公孫枝字子桑僖九年十一

楚鬪椒字伯芬僖二十八年左傳一字子越文九年十周劉狄昭二十六年傳

字伯蚤昭二十二年傳

芬芬古字通說文芬艸初生其香分布也或從艸作芬又曰

榜香木也荀子禮論椒蘭芬苾所以養鼻也故名椒字伯芬

越謂香之發越也韋昭晉語注曰越發聞也宋玉高唐賦曰

皇清經解卷五王尙書經義述聞三

越香掩掩司馬相如上林賦曰眾香發越是也故又字子越

狄當爲秋字形相似而誤也中山經大山有草其葉狀如菘

蒿苦楚今本秋譌作秋秋者椒之假借古聲椒與秋同故椒

或作菘文九年左氏春秋經楚子使椒來聘穀梁或作湫襄

十六年左傳椒鳴楚語作湫鳴椒舉古今人表又作秋也劉

秋字伯蚤與鬪椒字伯芬同芬蚤皆芬之假借也鬪伯芬之

子爲蚤黃見說苑善說篇蚤卽芬也以其父字爲氏

鄭公孫蠶字子蟻襄九年左傳注

說文蠶毒蟲也蠶與蟻居天毒蟲也二徐本皆云蟻蟲也案

字連文則蟻爲毒蟲矣蟲也之上本有毒字寫者脫去耳蕭

該漢書朱博傳音義引呂靖韻集云蟻毒蟲也玉篇與韻集

同並本說文案蟻卽蠶也以其尾之天蟻上曲故謂之蟻鄭公孫

蠆字子蟠齊公孫蠆字子尾其義一也禹貢厥草惟夭厥木惟喬說文云天屈也喬高而曲也爾雅釋木句如羽喬上句曰喬小枝上繚爲喬釋獸人曰喬郭璞注句如羽喬曰樹枝曲卷似鳥毛羽注小枝上繚爲喬曰謂細枝皆翹繚上向注人曰喬曰頰伸天橋大人賦低昂天蟠以倨傲兮謂折隆窮躩以連卷喬橋蟠聲近而義同小雅都人士篇卷髮如蠆箋云蠆螿蟲也尾末捷然似婦人髮末曲上卷然是其義矣

齊公孫蠆字子尾

昭二年左傳

魯公子奚斯字子魚

閔二年左傳

奚讀爲鮭聲近假俗也

鮭廣韻古攜若圭戶佳三切音皆與奚相近鮭之爲奚猶鞋之爲鞵也

斯語詞北山經敦蒙之水其中多赤鮭郭注云今名鱖鮠爲

皇清經解

卷五五

王尙書經義池聞

三

鮭魚論衡言毒篇毒螫渥者在魚則爲鮭與鮡鮡故人食鮭肝而外今人所謂河狔也或曰奚斯馬名赭白馬賦注引劉邵趙都賦曰良馬則飛兔奚斯常驪紫燕或作雞斯藝文類聚獸部上引太公六韜曰太公與散宜生得犬戎氏文馬毫毛朱蠶目如黃金名雞斯之乘是也字子魚者魚讀爲圍鄭眾注夏官校人曰卷馬爲圍

衛史鮭字魚

襄二十九年左傳注論語衛靈公篇注

爾雅鱮鮭郭注云今泥鮭釋文引字林云似鱣

鱣同俗作鱣

短小

晉羊舌鮒字叔魚

昭十三年左傳

廣雅鱮鮒也井九二井谷射鮒鄭注云所生無大魚但多鮒

魚耳言微小也

見劉逵吳都賦注

今人謂之鮒魚

楚公子魴字子魚

昭十七年左傳

爾雅魴魴郭注云江東呼魴魚為鰕案今人猶謂之鰕魚

衛祝鮀字子魚

鮀定四年左傳作佗假借字也論語子雍也篇憲問篇正作鮀

爾雅鯨鮀郭注云今吹沙小魚體圓而有點文小雅魚麗篇

魚麗于鬻鱭鯨釋文引舍人爾雅注云鯨魚也陸機疏云

鯨魚吹沙也似鮑魚狹小常張口吹沙

見初學記鱭介部

梁鱣字叔魚

仲尼弟子傳集解云鱣一作鯉

衛風碩人篇鱣鮪發陸機疏云鱣形似龍銳頭口在頷下

背上腹下皆有甲縱廣四五尺今於盟津石磧上釣取之大

者千餘斤郭璞爾雅注云鱣大魚似鱣而短鼻口在頷下體

有邪行甲無鱗肉黃大者長二三丈今江東呼為黃魚

皇清經解

卷五

王尚書經義述聞

三

魯孔鯉字伯魚

史記孔子世家

衛公子鱣字子鮮

襄十四年左傳

士志禮魚鱣鮪九

釋文鱣市轉反劉市專反

呂氏春秋本味篇魚之美者洞庭之鱣高注曰鱣魚名鮮說文作鱣云新魚精也

段云精即鱣字

大雅韓奕篇魚鼈鮮魚

衛庚公翟字子魚

襄十四年左傳孟子離婁篇作庚公之斯右音支歌相近斯即翟也

翟讀為鰲說文鰲

則下切俗作鮮

藏魚也南方謂之鰲北方謂之鰲

一曰大魚為鰲小魚為鱣字或作鱣天官庖人共祭祀之好

羞鄭注云若荊州之鱣魚青州之蟹胥

宋公子圍龜字子靈

成五年左傳

圍讀為違同聲假借也

易繫辭傳範圍天地之化而不過釋文範圍馬王肅張作犯違管子形勢

篇其功逆天者天
違之宋本違作圍
表記不廢日月不違龜筮違龜猶違卜也
大誥曰王害不違卜是也靈猶神也頤初九日舍爾靈龜春
官龜人天龜曰靈屬爾雅曰龜俯者靈

魯展喜字乙德二十六年左傳展喜魯語作乙喜案喜各也乙字後名故稱乙喜猶晉解侯字張而左傳稱張侯鄭公子駢字子駟而楚語稱駟駢也

乙當爲乙說文乙鳥轉元鳥也齊魯謂之乙駝或從鳥又曰

孔通也從乙從子乙請子之候鳥也乙至而得子嘉美之也

古人名嘉字子孔案嘉者喜也禮運鄭注嘉樂也樂亦喜也祭義父母慶之嘉而不忘大戴禮曾子大孝篇嘉作喜襄十九年左氏春秋公子嘉公羊

嘉作喜漢書古今人表鄭簡公嘉史記十二諸侯表嘉作喜

楚辭天問簡狄在臺學何立元鳥致詒女何嘉王注云簡狄

侍帝學於臺上有飛燕墮遺其卵喜而吞之因生契也是也

皇清經解 卷三 嘉 王尚書經義述聞

无

古者乙至而喜故名喜字乙

越文種字禽呂氏春秋當染篇注

種讀爲雛王篇雛充鞮雀也廣韻雛小鳥飛也故字禽

晉韓籍字叔禽元和姓纂

籍讀爲鵲古音籍與鵲相近詳見唐韻正故鵲通作籍春秋時晉

有蒲城鵲居成二年左傳正義引世本戰國時秦有扁鵲秦策莊子有瞿鵲

子齊物論篇是古人多以鵲爲名者也名鵲故字禽

附 楚頃籍字羽史記項羽本紀

籍亦鵲之假借鵲鳥名也故字羽

原籍字亢仲尼弟子傳原亢籍集解引家語曰名亢字籍案亢字也籍名也稱亢籍者文十一年左傳正義曰古人

連言名字者皆先字後名家語非也

籍亦鵠之假借字亢者爾雅曰亢鳥隴

陳亢字子禽論語學而篇鄭注

與原鵠字亢同義

魯公子翬字羽父隱四年左傳鄭公孫揮字子羽襄二十四年傳

翬本字也揮借字也爾雅鷹隼醜其飛也翬舍人注云翬翬其飛疾羽聲也小雅斯干篇正義或曰翬雉名公子翬字羽猶項鵠

字羽也爾雅說雉曰伊雒而南素質五采皆備成章曰翬郭

注云言其毛色光鮮

晉知營字子羽晉語注

營讀爲營小雅桑扈篇有營其羽毛傳云營然有文章廣韻

營鳥羽文也

皇清經解卷三十三 王尙書經義述聞

三

晉郤豹字叔虎晉語注

楚成熊字虎昭十二年左氏經傳

成熊公羊作成然字之誤也隸書熊字作熊漢劉熊碑或作熊石神君然字作然劉熊碑或作然郟闕頌字形相似故誤白虎通義

號篇黃帝有天下號曰有熊本皆誤爲自然正與此同

晉羊舌虎字叔熊唐書宰相世系表

楚鬬穀於菟字子文

宣四年左傳若敖娶于郢生鬬伯比若敖卒從其母畜於郢

淫於郢子之女生子文焉郢夫人使棄諸夢中虎乳之郢子

田見之懼而歸夫人以告遂使收之楚人謂乳穀反奴謂虎

於鳥菟音徒故命之曰鬬此字衍說見經義述聞左傳穀於菟案於菟虎文

親說文徐黃午虎文讀若涂菟聲義竝同虎有文謂之於菟故牛有虎文謂之於菟云者言其文之於菟然也說文虎虎文也於菟與虎聲近而義同單言之謂之虎重言之謂之於菟

鄭罕虎字子皮襄三十二年左傳

宋肇龜字子皮昭二十一年左傳

爾雅龜丑于切似狸郭注云今龜虎也大如狗文如狸

魯展獲字禽魯語

說文獲獵所獲也曲禮正義曰爾雅云二足而羽謂之禽四足而毛謂之獸通而為說獸亦可曰禽故易曰王用三驅失

前禽則驅走者亦曰禽也又周禮司馬職云大獸公之小禽

皇清經解卷五王尚書經義述聞

三

私之以此而言則禽未必皆鳥也禽名通獸者以其小獸可

擒故得通名禽也以上正義名獲字禽者義取田獵得獸也或曰

戰伐得囚俘曰獲亦曰禽禽古擒字也周易集解井卦崔憬注襄二十

四年左傳收禽挾囚杜注云禽獲也僖二十二年傳不禽二

毛卽檀弓之不獲二毛也

鄭公子駢字子駟襄八年左傳

說文駢駢旁馬駟一乘也墨子七患篇云凶饑存乎國人君

微駢駢謂但駕兩服不駕兩駢也秦風小戎正義云車駕四

馬在內兩馬謂之服在外兩馬謂之駢春秋時鄭公子駢字

子駟是有駢乃成駟也桓三年左傳正義云駢馬名駢者以

駟馬有駢駢之容故少儀云駢駢翼翼駢之言分也左右

分列也駢之言妃也左右相配也駢之言駢也與兩服相並倚也駢之言棊也與兩服爲輔弼也若取駢駢翼翼之義則四牡駢駢小雅所詠不得兩驂獨謂之駢矣

魯子家羈字駒

荀子大略篇注

說文羈馬絡頭也馬二歲曰駒案絡頭今謂之籠頭馬一歲則箸籠頭

萊正輿子字子馬

荀子堯問篇注案正蓋氏也

駕馬所以引輿也

宋司馬耕字子牛

仲尼弟子傳

一名犁

論語顏淵篇注

魯冉耕字伯牛

仲尼弟子

傳

古者耕以人耦不用牛力作耕非本義也耕當讀爲犍說文

皇清經解

卷五畜靈

王尙書經義述聞

三

犍

口莖切

牛剝下骨也引春秋傳曰宋司馬犍字牛卽司馬耕也

也昭二十年傳有犍犍孟子告子篇有宋犍是古人多以犍爲名司馬犍亦是也冉耕亦當爲冉犍古字假借耳司馬牛

一名犁者論語誰也篇犁牛之子騂且角何注云犁雜文也

淮南說山篇凱屯犁牛既科以楯

楯今本誤作楯辨見淮南雜志

高注云犁

牛不純色

昔苑牧之字羊

昭二十二年左傳案昭二十年傳有苑何忌則苑乃姓也古姓名與字並稱者恆先字而後名

若百里孟明視

苑羊牧之是矣

宋羊斟字叔牂

宣二年左傳案羊斟名也

羊斟史記宋微子世家作羊羹案羊斟卽羊羹也肉汁謂之羹

亦謂之斟燕策厨人進斟羹史記張儀傳作厨人進斟

趙世

家使腐人操 銅料行斟 索隱云斟謂羹汁故名汁曰斟方言斟汁也北

燕朝鮮湖水之間曰斟關西曰汁羊斟字叔牂者爾雅云羊

牂牁錢氏曉徵養新錄云淮南繆稱云魯酒薄而邯鄲圍羊

羹不斟而宋國危則斟為斟酌之義左傳其御羊斟不與當

以羊為其御之名斟不與三字為句細玩下文其御字叔牂

正與羊名相應傳文後兩斟字或後人所加引之案呂氏春

秋察微篇鄭公子歸生幸師伐宋宋華元爽師應之大棘羊

斟御明日將戰華元殺羊饗士羊斟不與焉則華元之御自

以羊斟二字為名傳云其御羊斟不與又云君子謂羊斟非

人也又云詩所謂人之無良者其羊斟之謂乎皆以羊斟連

讀不得以斟不與三字為句亦不得謂下文兩言羊斟斟字

皇清經解

卷五 五經

王尚書經義述聞

三

皆後人所加也淮南所云當由誤讀左傳而然殊不足據漢

書古今人表亦有羊斟斟字之屬上讀明甚

衛高柴字子羔

仲兄弟子傳

柴讀為犛同聲假借也說文犛玉篇七羊名曠皮可以割黍

召南羔羊傳云小曰羔大曰羊

名字相應故訓所存而古義不可周知姑闕所疑以俟達者

別如左

晉寺人勃鞞字伯楚

晉語一名披鞞之合聲為披

宋公子目夷字子魚

八年左傳

魯公子買字子叢

二十八左傳

楚公子嬰齊字子重

宣十一年左傳注

楚公子貞字子囊成十五年左傳注

鄭良宵字伯有襄十一年左氏經注

鄭罛嬰齊字子齋昭十六年左傳注

楚伍員字子胥昭二十年左傳注

魯季公亥字若昭二十五年左傳注

宋樂祁字子梁定八年左傳注

衛公孫彌牟字子之哀十二年左傳注

齊顏涿聚字庚哀二十三年左傳注

宋樂莢字子潞哀二十六年左傳注

晉士蔿字子輿晉語注

晉祁奚字黃羊呂氏春秋去私篇注

皇清經解 卷五 臺 王尙書經義述聞

齊離人巫字易牙史記齊世家索隱引賈逵左傳注

魯孔箕字子京史記孔子世家

魯冉雍字仲弓以下並見史記仲尼弟子傳

武城澹臺滅明字子羽

江東矯疵字子庸

淳于光羽字子乘

魯公夏首字乘一

魯縣成字子祺上與榮旂字子祺相連疑因此誤衍字子祺三字

衛廉絜字庸上與公西與如字子上相連疑因此誤衍字子上三字

魯公西蒧字子上上與公西與如字子上相連疑因此誤衍字子上三字

伯仲叔季兄弟之序也或與字俱稱或卽以爲字雖以爲字

與命名之義不相比屬列如左

魯費序父字伯隱二年左傳注

鄭祭足字仲桓五年左傳稱祭足十一年傳稱祭仲足名也仲字也杜注以為各仲字仲足失之

魯公子慶父字仲莊二年左氏經稱公子慶父八年傳稱仲慶父慶父名也仲字也古人以王父字為氏故

其後為仲孫氏

魯公子牙字叔莊三十二年左氏經稱公子牙傳稱叔牙牙名也叔字也古人以王父字為氏故其後為叔孫氏

魯公子友字季莊二十七年左傳稱公子友三十二年傳稱季友閔二年傳稱成季友名也季字也古人以王

父字為氏故其後為季孫氏

楚成大心字孫伯僖二十八年左傳注

晉荀林父字伯宣十五年左傳注

皇清經解 卷三 臯立 王尚書經義述聞

三

衛侯剽字子叔襄二十六年左傳

魯公子懋字子仲昭十二年左傳

宋皇野字子仲哀十四年左傳

魯公肩定字子中中與仲同

魯顏之僕字叔竝史記仲尼弟子傳

春秋內外傳人名凡注以某為某而今未知其審者列如左

楚鬬廉鬬射師莊三十年左傳注以為一人

宋樂鉏將鉏成十六年左傳正義云杜諳於樂氏之下樂鉏將鉏為一人傳無樂鉏之文不知其故何也

宋皇郕大司馬椒襄九年左傳正義引服虔注以為一人

鄭石奩石孟襄二十二年左傳注

鄭子般駟宏子思哀二年左傳注以子般為駟宏二十七年傳注以子思為國參世族諳則以子般駟宏子

思爲一人

魯公子括伯御周語注以括爲伯御史記魯世家則以伯御爲括之子

魯匠師慶御孫魯語匠師慶宗人夏父展莊二十四年左傳皆作御孫未知二人中孰爲御孫也韋注則以慶

爲御孫之名

晉董褐司馬演吳語注以爲一人哀十三年左傳作司馬寅

晉寶犇字鳴犢史記孔子世家聞寶鳴犢犇舜華之叔索隱云寶犢寶犇晉國之賢大夫也蓋犢鳴犢晉國之賢大夫也亦當作鳴

鳴犢與寶犇之見殺也迥與而旋皆本於史記而不及舜華或

爲三人而亦不及舜華惟家語因誓篇襲史記之文而妄改之曰

越簡子殺寶犇鳴犢及舜華且以爲二人則是以寶犇鳴犢爲

一人舜華爲一人也後人又據之以改史記遂易鳴犢寶犇爲

文爲寶鳴犢舜華而原本不可復議矣然考集解云或作鳴犢

皇清經解卷五皇臺王尙書經義述聞

美

寶犇又作寶鳴犢舜華也蓋裴駰所據本作鳴犢寶犇其別本

或作鳴犢寶犇又或以家語改史記作寶鳴犢舜華耳後人惑

於家語乃以改竄之本爲正文逕作寶鳴犢舜華遂與別本重

複不知正文作鳴犢寶犇故集解記別本云又作寶鳴犢舜華

若正文已作寶鳴犢舜華則集解不須記此本矣據別本以校

正文其作鳴犢寶犇明甚小司馬不能釐正乃據改竄之本而

解之云寶犇字鳴犢疏矣唐書宰相世系表古今

姓氏書辨證通志氏族略皆沿誤本史記之誤

晉文侯仇字義和鄭注云義讀爲儀儀仇義匹也故名仇字

儀案古天子於諸侯無稱字者康誥酒誥梓材三篇王若曰小

子封王曰封定四年左傳引蔡仲命書王曰胡也引踐土之

盟皆稱其名其他則稱伯父伯舅叔父叔舅而已未有稱字者

也或以義爲字或以義和爲字並當闕疑

附鄒孟軻字子輿文選辨命論引傅子云鄒之君子孟子輿擬

云姓孟名軻字子輿臧氏西成曰趙岐孟子題辭云

孟子鄉人也名軻字則未聞也據此則孟子無字

左傳人名有似異而實同者列如左

晉司馬督

昭二十

司馬鳥

二十八年傳案鳥乃篤之譌篤與督古字通漢書古今人表正作司馬篤

晉魏曼多

年左傳

魏侈

史記晉世家魏侈趙世家案多侈同聲而通用

魯孟孺子洩武伯彘

哀十一年左傳注案洩彘聲相近故彘通作洩

王肅家語所列名字異於他書者皆不可信不敢屢入列如

左

有若字子有

七十二弟子篇案史記仲尼弟子傳不云字子有

漆雕開字子若

同上案史記作漆雕啟字子開

秦商字不慈

同上案史記作字子不

琴牢字子開一字張

同上案昭二十年左傳及孟子盡心篇皆作琴張莊子大宗師篇作子琴張而無琴

牢之文論語子罕篇牢曰蘄字亦不以爲琴張牢與琴張本非一人也而云琴牢字子開一字張又於家語序中表箸之其爲

臆撰之說顯然可見杜預乃用其說以注左傳誤矣漢書古今人表琴牢當作琴張後人據家語改之也琴張見於左傳子孟子

皇清經解

卷五皇臺

三

故人表列之若琴牢則書傳所無何由得列於人表乎

毋孺字子魚

同上案史記作字子魯

伯虔字楷

同上案史記作字柝楷蓋哲之譌哲與柝通史記正義引家語作字哲哲亦哲之譌

陳亢字子亢一字子禽

同上案論語學而篇鄭注陳亢字子禽不云字子亢此因檀弓陳子亢而增之

也不知陳子亢別是一人案古今人表陳亢別弟五陳子亢別弟六梁氏曜北云陳子亢是子車弟子車弟子亢字也與陳人名亢字子禽者判然不同自鄭注檀弓誤云子亢孔子弟子遂以爲一人

奚箴字子楷

同上案史記作奚容歲字子楷蓋哲之譌

廉潔字子曹

同上案史記作字庸

公西臧字子佻

同上案史記作公西臧字子上

穰駟赤字子從

同上案史記穰作穰從作徒

毋季字子產

同上案單行本史記索隱作毋季產季乃長幼之序非名也不得云毋季字子產今本史記亦作毋

燠矣是也僣之言難也

楚王子鉤字發

成十六年左傳曰楚公子芾正義曰晉語謂之王子發鉤蓋一名一字也案棧發古同聲棧即發之假借發字也鉤名也古人名字並稱者皆先字而後名故謂之王子發鉤

鉤讀為發

爾雅釋詁釋文發古豆反一音古侯反古侯反則音鉤矣顏師古注漢書馮唐傳曰發音溝溝與鉤

同說文發張弩也發馱發也如淳注漢書馮唐傳曰發騎張

弓之騎也

見史記馮唐傳索隱

小狝殪此大兜

附

趙公孫龍字子秉

列子仲尼篇釋文

龍讀為穰

力公反

廣雅穰穰也說文穰穰刈也秉禾束也小雅

大田篇彼有不穫穉此有不斂穉彼有遺秉此有滯穗毛傳

曰秉把也

皇清經解

卷三十一

王尚書經義述聞

秉

楚為艾獵字

叔敖宣十一年左傳

艾讀為弋艾獵即弋獵也古聲艾與弋通爾雅大歲在壬曰

元默

音弋

史記厯書作橫艾是其例也弋獵者游田之事故字

曰敖說文曰敖出游也

魯公子尾字施父

宋鄧名世古今姓氏書辨證鄭樵氏族略

施讀為扞

呂氏春秋悔過篇鄭賈人奚施淮南人閒篇作蹇他是施字古讀如他正與扞同音說文扞

俗作扞

曳也莊子秋水篇此龜者甯其从為畱骨而貴乎甯其

生而曳尾於塗中乎取曳尾之義故名尾字扞

秦西術字乞

僖三十三年左傳

術讀為遂文十二年公羊經正作遂乞讀為訖遂終也竟也

逸周書太子晉篇孔注云遂終也廣雅云遂竟也訖亦終也

字發明古訓莫著於此觸類而引申之學者之事也夫詁訓之要在聲音不在文字聲之相同相近者義每不遠相遠故名字相沿不必皆其本字其所假借今韻復多異音畫字體以爲說執今音以溯義斯於古訓多所未達不明其要故也今之所說多取古音相近之字以爲解雖今亡其訓猶將罕譬而喻依聲託義焉爰考義類定以五體一曰同訓予字子我常字子恆之屬是也二曰對文沒字子明偃字子犯之屬是也三曰連類括字子容側字子反之屬是也四曰指實丹字子革啟字子閻之屬是也五曰辨物鍼字子車鱸字子魚之屬是也因斯五體測以六例一曰通作徒字爲都籍字爲鵠之屬是也二曰辨譌高字爲克狄字爲秋之屬是也三曰合聲徐言爲成然疾言爲旃

皇清經解

卷五十五

王尙書經義述聞

五

之屬是也四曰轉語結字子綦達字子姚之屬是也五曰發聲不狃爲狂無畏爲畏之屬是也六曰並稱乙喜字乙張疾字張之屬是也訓詁列在上編名物分爲下卷眾箸者不爲贅設之詞難曉者悉從闕疑之例上稽典文旁及謠俗亦欲以究聲音之統貫察訓詁之會通云爾至於解釋不明援引鮮當大雅宏達其有以教之矣

杭州姚禮對字

